

A



柳洲詩集卷之七

毛蕃 蔣璩



陳增新 李炳

同學

全選

李煒 魏允枚

魏允柟 曹鑑平

五言律詩二

魏允枚 四見

稗官曰卜臣五言律雜出盛

唐諸家境象聲情無不神合

禹書曰卜臣五言律獨長于叙題比事屬

詞俱無虛設而姿致宕佚不嫌束薪此古

五言律

人所難也

射陽湖送徐石弦先歸

同是南歸客。羨君獨蚤行。江湖無限意。尊酒不勝情。滄海浮雲斷。長淮曉色清。遙看帆落處。吹笛滿高城。

贈漢陽劉無方

公子青雲士。聲名起漢陽。盛才原產楚。上客復遊梁。屈宋餘風遠。湘沅落日涼。桂花隨處發。秋色正相望。

其二

大江流不盡。秋水浸芙蓉。九辨君能草。三閭世所宗。湘川寒翠竹。楚甸落青松。節義先公在。何如漢兩龔。
無方尊人廣如先生死難金陵

五日桐江道中

舊是經行地。當舷縱遠看。江雲連岸白。山雨入舟寒。此日羈愁甚。頻年旅食難。晨昏諸弟在。蒲酒足承歡。

廉伯曰詞旨蒼涼不堪令作客者多讀

過高文襄故居

一代推良宰。文襄實偉人。綴衣曾受命。絕幕盡稱臣。已自高先達。誰當託後塵。今來遇搖落。愁緒又經新。

其二

一逢宦者怒。歸老具茨陽。別墅寒烟白。荒祠古柏黃。春秋誰俎豆。碑碣已荒涼。辛苦調羹意。當年祇自傷。

過淇水

駐馬臨清澗。應開白雪樽。昔時襟大國。此日帶荒村。水澗秋濤迴。天寒暮雨翻。只今石梁下。猶自瀉潺湲。

題天琴亭和張蘧林韻

鄴郡公署有小亭方廣丈許。鼓掌其中。則鏗然四應。如擊琴聲。以手敲壁。足擲地。皆然。竟莫知其自也。詩以紀之。

成連不可見。千載尚聞聲。約腕調蟬翼。流音叶鳳鳴。徽移冰柱亂。水激石鐘清。何必臨滄海。方能動

我情。

滁州

關山不可陟。天險是滁州。峻坂遲征騎。危途動旅
愁。萬峯環縣出。一水抱城流。寂寂荒亭在。猶堪問
昔遊。

曉發濟寧抵南陽

遠色正空濛。帆飛宿霧中。汀葭初出水。江菼欲含
風。曉樹千家合。晴原一徑通。躊躇望不極。歸夢五
湖東。

郟城遇雪次香巖韻

朔風催去馬。微霰集征途。野燒光明滅。人烟望有
無。雲隨鴻影斷。寒到客心孤。共貰旗亭酒。高歌擊
唾壺。

越石日景色頗近中唐
然首尾明淨自是合作

將自鄆陵歸留別周子俶張青瑀

十載相思意。迢迢僅識名。因爲梁苑客。始結紵衣
盟。秋盡逢分袂。霜空拂去旌。臨岐倍惆悵。揮手不
勝情。

其二

八月澄江路。涼風動白蘋。別離經歲事。去住異時人。南浦傷歸客。西園禮上賓。故鄉行不遠。秋色五湖濱。

其三

此去同張翰。尊鱸尚未荒。時予與香巖全歸風塵垂一載。節物近重陽。月落猿聲斷。天高雁影長。已知鄉望慰。別恨又蒼茫。

其四

難忘是二子。握別淚紛紛。命酒嘗宵盡。論詩每夜分。丹楓霜後見。白雁去時聞。遠道能相憶。回看日暮雲。

輝六日纏綿悱惻如涉河梁

折楊柳

又見春風起。長堤碧草平。音書千里隔。楊柳萬條生。妾對倡園樹。君登上郡城。別離無限恨。橫吹作新聲。

塞下曲

塞北馬初肥。高秋一雁飛。朝乘青海障。夜解黑山圍。短劍沾殘雪。危旌傍落暉。閨中應擣素。何日寄寒衣。

銅雀伎

總帳飄重閣。高臺對濁漳。君王悲伏魄。伎妾憶分香。舞落銀屏月。歌清玉座霜。墓田長在望。樹色自蒼蒼。

愛妾換馬

自信清蛾麗。其如紫燕雄。解將連理帶。繫向五花

驄。買地開金埒。含嬌別綺櫳。王孫芳草路。蹀躞試春風。

子更曰擬古諸章
卜臣獨以法勝

周振瑗 三見

交讓曰麟聲五言律氣厚格高其擬古之作藻麗風華直可上追沈宋

紫駟馬

玉鞵黃金勒。雕弓白羽翰。飛塵騰柳碧。絕影度桑乾。蹀躞胡冰裂。悲嘶漢月寒。感君一顧重。千里不辭難。

稱賓日初
唐合作

雨雪曲

萬里戍雲平。三河戰角鳴。凍沙連大漠。積霰暗危城。
光澈層冰白。寒凝夜月清。曉來飛騎出。遙向玉山行。

上之回

單于秋入塞。天子遠臨邊。漠北三河迥。郊南五時連。
黃旂迎太乙。白羽達甘泉。扈從乘輿久。長歌奏凱旋。

戰城南

塞北長楊遠。城南細柳青。前軍度馬邑。別校出龍廷。
陣合中黃騎。旗高太白星。嫖姚行獻馘。勒石紀山靈。

又

三軍營涿鹿。五校出飛狐。絕塞胡塵合。高城漢月孤。
黃雲連毳幕。白雪冷雕弧。夜夜邊書急。平原戰骨枯。

芳樹

柳洲詩集 卷七
獨有庭前樹年來發故枝春從金谷度影傍玉堦
移綠葉迎風舞柔條帶雨垂愁看雙燕子朝暮羽
差池

入塞

四牡薇歌出三年瓜戍還王師臨翰海代馬哭陰
山帳耀流星劍刀懸明月環傳聞飛將在不
敢渡榆關

銅雀伎

寂寞宮車出傷心遺令留君恩陵樹斷妾淚濁漳

流曲度銀箏怨香分玉鏡愁西陵朝暮望松檟不
禁秋

卜臣曰此作
是此題絕唱

明妃曲

掩淚行龍塞含情別鳳墀如何馬上曲半入漢宮
辭北地征笳怨天南歸雁遲獨留深苑月長向妾
身隨

關山月

玉露流清漢銀河淡碧鈎同看今夜月偏起故鄉

柳洲詩集 卷七
愁影照千巖。曉光寒萬戶。秋關山迴望。迥厭聽古梁州。

劉生

河南從劇孟。燕市識荆卿。不惜千金散。寧辭斗酒傾。報仇時淬劍。死難不畱名。朝暮狹邪路。雕弧白馬行。

鳳臺曲

千載乘鸞去。當年弄玉名。空餘嘒管在。無復彩雲迎。響斷秦樓曲。歌傳雍時聲。吹簫人不見。夜月鳳

臺明

古嗶日可與
湘靈並傳

綵書怨

寂寞蘭閨久。長征萬里餘。羅衣去日緩。錦瑟別時疎。薊北三年戍。河西九月書。思君不可見。夜色碧窗虛。

開緘怨

愁看南來雁。年年一度飛。涼風垂翠幙。夜月冷金徽。青鳥書頻寄。白狼人未歸。秋深芳草暮。紅淚溼

柳洲詩集
卷七
羅衣

大堤曲

春日襄陽道。晴光映大堤。峴山綠樹合。漢水碧天
低。綉箔銀屏繞。珠樓曲徑迷。往來遊冶子。醉唱白
銅鞮。

達夫日
雅渾

咏雪

文成梁苑賦。曲和郢中辭。素影浮銀闕。寒光護玉
墀。雲凝飛霰密。風舞落花遲。忽憶剡溪道。輕舟訪

戴時

真州道中

遠道久爲客。秋風解送行。海雲連斷岸。江水薄層
城。宿鳥林中出。孤舟天際橫。故鄉思更切。愁聽暮
蟬鳴。

倪
晉 三見

關山月

皎皎月光浮。離情異地愁。征人齊出塞。思婦獨登
樓。碣石沙無際。交河凍不流。金笳聲四起。吹徹隴

山頭

塞下曲

飛騎出龍城。將軍號令明。離弧光欲射。戰馬靜無聲。舊隸嫖姚部。新開細柳營。功成報聖主。麟閣已書名。

釋賔曰

雅飭

曹鑑微

字微之

寄朱竹菴

別緒縈懷抱。鶯花隔兩州。幾時重握手。何處獨登

樓。岐路二年客。春江萬里舟。羊城芳草暮。日落鷓

鴣愁。

孫

錄 四見

卜臣曰古隍五言律高華自命堅秀無倫擬之盛唐可以伯仲高李釋賔曰古隍五言律格高法老其一往峭拔之致殊絕於人

九日

已惜砧聲急。何堪畫角哀。客中逢九日。愁裏獨登臺。月落千林迥。天高一雁來。追陪玄圃夜。蕭瑟共啣杯。

南旺道中

別有登臨意。非因落木愁。是山皆魯甸。一水截沂流。草暗須句國。雲封太白樓。百年懷古地。節物况三秋。

子更日三四語意極巧因其氣渾故讀者不覺

金山寺

憑高聊縱目。天際削芙蓉。黛色含朝雨。濤聲雜晚鐘。石頭江樹合。瓜步海雲封。縹緲祇林迥。攀躋不厭重。

送楚中王懷人亦世自廣陵遊鹽官

看爾揚帆去。秋風江上來。斷雲楊子驛。落日伯牙

臺。郢曲傳高調。吳都識麗才。二子有金陵遊草不堪頻弔

古輦道已塵埃。

落日蘭谿道中夏至

一望蘭江上。翩翩白鷺飛。芳辰逢夏至。細雨亂朝暉。水碧征人棹。山青客子衣。那堪當令節。偏與故

鄉違。

采殿呈宋直方殿吳香車朝文三月賦詩擬楚詞

深媿題詩意。猶煩長者車。臨岐三月柳。惜別數行書。白雪推前輩。青山憶故廬。揚舲頻北望。渺渺更愁余。

一室曹二社。祝匡廬。先我南旋詩。以懷之。

落日前登樓。風烟接御溝。應劉原記室。余時欲就館燕山

李郭本仙舟。驛路尋芳艸。天涯曳敝裘。如何今夜

月。不共酒人遊。

交讓日意。熊夷猶。

懷何蕤音

猶憶秋江上。相逢白下來。山川遙對酒。風雨共登臺。首路當殘臘。思君見早梅。迢迢千里夢。尺素隔年裁。

天津懷古

天路疑難問。津門獨自看。九州環北極。一水抱長安。海濶蜃光合。山高雪色寒。蕭疎憑遠眺。落日滿河干。

夜走大梁道中

長作風塵子。驅車夜未休。虫聲平野合。星影大荒

浮○慘○淡○征○人○意○蒼○涼○旅○雁○愁○登○樓○空○有○賦○王○粲○尚○
依○劉○

掌公曰
似工部

聞砧

萬○里○事○長○征○刀○環○月○正○明○如○何○景○州○道○猶○聽○擣○衣○
聲○白○雪○他○鄉○夢○黃○雲○故○國○情○遙○看○南○去○雁○寥○廓○自○
縱○橫○

春興

薄○暮○登○臨○興○晴○光○處○處○同○高○低○山○寺○裏○遠○近○夕○陽○

中○垂○柳○侵○衣○綠○飛○花○入○澗○紅○慙○慙○懷○澤○畔○彼○美○意○
何○窮○

淮陰覽古

王○孫○芳○草○地○愁○絕○幾○人○知○月○迴○田○橫○島○風○清○漂○母○
祠○小○山○仍○楚○甸○舊○侶○自○南○皮○
曾與淮陰諸子
有南皮之遊
淮○水○
年○年○綠○蒼○苔○何○處○碑○

禹書曰結
有遠致

朱遁成

四見

亭彦曰求仲五言律
運思精鑿光彩映人

輝六渭揚久客皖城賦寄

柳色對離愁。春深尚遠遊。時携天柱屐。同上皖溪舟。幸舍歌長缺。墟頭典敝裘。思君江上月。千里接舒州。

燭崑日一
結新警

劉生

東平游俠子。意氣自豪雄。身逐五陵道。聲聞六郡中。鳴鴻揮落日。飛兔走回風。去結期門客。從軍會立功。

昭君怨

自惜丹青誤。蛾眉恩寵希。如何人北去。不共雁南飛。夢斷紅顏改。愁繁白草腓。誰將馬上曲。流響入宮闈。

銅雀臺

銅雀鬱嵯峨。鑿輿舊日過。城荒留魏寢。臺迥出漳河。月傍金甍冷。雲臨玉座多。西陵歌吹歇。回首恨如何。

心微日比之雲
卿工力悉敵

愛妾換馬

照日雙蛾豔。追風千里姿。娉婷原舊寵。蹀躞自新
羈。金屋辭嬌日。青絲控勒時。君恩同一顧。前路已
分岐。

蔣 象

四見

交讓曰五言律明不如唐正以神情
束縛耳禹書窺見其微故運思獨至
卜臣曰禹書五言律儉于七言而體氣較
高似李杜處為多餘亦不落開寶以後

從軍行

漢家邊徼警。詔發羽林軍。壯士無生氣。將軍豈顧

勲。龍沙迷曉霧。鯁海暗秋雲。何日塵氛靖。還將答
聖君。

二

但苦黃沙積。誰憐紅粉樓。關山分漢月。笳管散邊
愁。五壘神兵法。三吳任俠遊。欲隨班定遠。萬里取
封侯。

三

邊地無春草。平原羽獵多。射鵬過雪嶺。飲馬渡冰
河。月裡催金柝。雲中枕玉戈。功成應獻凱。先令學

鏡歌

四

未識從軍苦。焉知行路難。君王親捧轂。大將獨登壇。七屬函犀重。千群浴鐵寒。請纓成壯志。一往繫呼韓。

五

久戍無歸日。長征未及瓜。五陵多俠少。六郡盡良家。積路沙爲雨。邊庭雪作花。年年頻轉戰。相逐李轻車。

六

十年馳萬里。百戰有孤身。雁使來鄉縣。蠶書識故人。關榆常帶雪。營柳不知春。忽聽邊聲發。方驚白髮新。

七

烽燧澈明開。徵書旁午催。秋風回雁塞。春色斷龍堆。公主思鄉館。單于望遠臺。一時征戍客。回首不勝哀。

八

聞道河湟戰。天兵已解圍。梅花傳曉笛。柳葉試春衣。絕塞愁難盡。高樓望不歸。從今應息馬。無夢到金微。

稱賓曰從軍行八首原本初唐要以不專規摹初唐取勝供奉塞下有其爽右丞觀獵有其健工部秦州有其蒼

聞雁

九月朔風涼。天邊雁幾行。繫書投故主。入塞是他鄉。怨別經年隔。哀鳴萬里長。秋深何處所。辛苦自隨陽。

子更曰詠物能申已意唯少陵得之

南園雜感

與余淡心林衡者同賦園為故武部錢仲馭讌遊之地

故國芳園在。垂楊落日邊。不知金谷變。還聚竹林賢。向秀聞孤管。嵇康廢五絃。傷心歌舞散。花鳥若為憐。

二 余林皆閩莆田人

我愛莆中士。相看意氣真。十年戎馬地。萬里客游人。日月流清漢。江山老逸民。壯懷何所托。暫此學投綸。

三

潦倒雙蓬鬢。高吟擁鶚冠。鳥聲花外盡。樹色月中寒。隱士歌叢桂。騷人賦澤蘭。寄言行路者。慎矣莫嗟難。

四 桐城錢幼光吳鑑在曾客南園

龍舒多上客。一去半升沉。嶺海人南北。林泉自古今。寧歆終割席。蘇李却同心。回首山陽路。天涯怨別深。

交讓曰癸巳夏與禹書同賦南園雜感八章一時屬和成帙高華蒼勁共推禹書今

止錄其半以見我輩簡嚴如此

愛妾換馬

萬里來沙苑。雙鬟出綺櫺。楚山離暮雨。燕市逐晨風。伏櫪恩方始。調絲怨不窮。那知憐一顧。不及五花驄。

吳六益北行時予入光福山却寄

自○子○燕○山○去○當○予○鄧○尉○游○贈○行○空○有○作○錄○別○竟○何○由○京○洛○三○千○里○烽○烟○十○二○州○蕭○條○憐○壯○志○應○不○爲○封○侯○

赤茂日以
朴處見老

登韜光餐霞閣示慧上人

白傳詩仍在。青陽訣未通。閣下有香山詩碣萬曆
間真人許青陽曾得道
于栽桑從碧海。受籙出珠宮。一水群峯斷。諸天萬
此籟空。神仙如可學。應住此山中。

塞上曲

飲馬出蕭關。防秋沙朔間。層波翻瀚海。積雪暗天
山。玉筋啼頻濕。金微夢欲還。可憐秦塞月。分得炤
朱顏。

經吳銓部池館

當年金谷地。石氏重新聲。今日傷心路。崇臺蔓草
平。綺羅空飲恨。花柳欲含情。一片南湖水。清宵月
自明。

肅陶日前四句
是青蓮逸調

周珂 四見

輝六日越石五言律甚穩秀篇什獨
富與渭揚麟聲體裁各別俱稱長城

臨高臺

君行玄菟郡。妾任白鷗洲。獨倚層臺上。遙生萬里

柳洲詩集
卷七
愁玉牕臨曲澗。珠箔映高樓。三五垂楊下。揮鞭控紫騮。

折楊柳

弱柳三眠日。流鶯百轉時。春風如有意。搖曳忽成絲。花下銀驄繫。月中玉笛吹。爲愁君北去。不忍折南枝。

芳樹

遠戍三吳道。深閨二月天。忽看春滿樹。知是別經年。細草縈芳徑。高燈炤綺筵。攀條頻北望。明月自

高懸

遠別離

昔日黃沙磧。南鴻背客車。今年青海戍。北雁寄來書。水冷菰蒲沒。天寒草木疎。故鄉千里隔。遙望獨愁余。

梅花落

大庾迎寒發。羅浮入夢來。遙看枝上萼。一半落蒼苔。素影飄珠箔。飛花入鏡臺。隴頭春色少。頻向笛中催。

穉賓曰
秀而健

妾薄命

妾貌隨花落。君情逐水流。卷衣秦女夜。團扇漢宮秋。不惜長門賦。還傳錦瑟愁。如何天上月。偏照苑西樓。

楚宮詞

賤妾舞長袖。君王好細腰。自從登鳳閣。無復繫鸞綃。湘水含愁濶。巫山入夢遙。至今思息媯。不語為誰嬌。

大堤曲

大堤有諸女。聯袂大堤行。舞袖驚鴻落。新粧墮馬成。香飄百和散。燈炤九華明。日暮紅樓過。猶聞簫管聲。

掌公曰
是初唐

江行雜咏

蘆花飛白雪。蕭瑟滿汀洲。一水分吳越。千帆落女牛。舟移遠樹動。月照大江流。憔悴行吟者。勞歌未解愁。

二

落葉秋應盡。歸雲暮欲迷。層巒圍橘嶺。三派入桐溪。水際青山出。天邊綠樹齊。鄉書無雁寄。目斷武林西。

三

晴雲含夕碧。積翠迴山陰。樹密千條合。江流九折深。泊舟隨夜火。宿鳥傍寒林。向晚思歸客。應同莊鳥吟。

日暮登翠微山

山城高不極。一半倚巔峴。萬壑懸流紫。千峯落日丹。天清雲影亂。秋盡月光寒。此夕羈愁切。長歌行路難。

留別家宿來

謝客寒帷地。層城閉夕曛。山高不辨樹。水急自成文。候雁雲中沒。啼鳥月下聞。故鄉回首望。千里惜離群。

二

薄暮催行色。征軺落照中。猿啼山吐月。虎嘯樹生

風飛瀑懸崖白。殘霞射水紅。臨岐從此別。惆悵與君同。

至蘭江別梁溪友人

月出城頭曉。城烏向月啼。一身長作客。五夜共聞雞。潮擁片帆急。雲來萬嶺低。明朝分袂去。馬首各東西。

子存日渾朴

似高常侍

遊西巖登觀音閣

林外迴青嶂。窗中接翠微。疎鐘向寺近。寒鳥背人

飛。日落溪流轉。霜催木葉稀。暮雲前路擁。馬首此時歸。

搗衣

遠作三秋別。新爲萬里裳。髣髴絲愁裏。短羅帶別來長。孤杵懸新月。雙題搗素霜。願因砧響發。夜夜到遼陽。

蘭

綠蘂嬌初日。天風散遠馨。曾通燕女夢。常傍謝家庭。入室迎朝麗。臨池帶晚青。秋來誰紉佩。寂寞對

寒汀。

陳學謙 四見

從軍行

仗劍過居延。嫖姚戰伐年。寒風生大漠。白日照燕然。隴樹泰山斷。洮雲漢塞連。何為遠行役。悵望玉關前。

卜臣曰其氣甚厚

正月十日對月

清輝尚未滿。甲夜倍堪憐。天上還明月。人間又一

年。露華寒竹樹。烟靄上林泉。簫鼓城頭動。頻將玉笋傳。

陳昌 四見

掌公曰漢彬五言律端雅清真軒然自貴

秋夜獨坐

斜月傍檐明。秋高氣自清。杵聲寒萬戶。雁影下孤城。露濕松枝重。風飄柳葉輕。啼鳥驚獨宿。坐對鐵燈檠。

同曹次典宿靈隱寺

不覺雲封杳相携入翠微。上方人語靜。下界漏聲稀。鐘磬沉寒月。樓臺拂曙暉。遠公何日返。稽首欲皈依。

隴頭水

隴水日東流。寒生隴上秋。崩沙趨積石。曠野望秦州。玉杵三邊冷。金戈萬里愁。年年聽鳴咽。腸斷海西頭。

關山月

洛水千門月。流光滿綺羅。瞳矐懸碧漢。潑灑濯金

波。遠戍羈棲久。空閨悵望多。關山遮不斷。夜夜落交河。

子存曰二作是四傑嗣音

郁自振 二見

竹

晴雲開曉日。空翠上堦墀。鄴杜風來後。淇園雨過時。聲寒偏淅瀝。影動故參差。顧我疎狂態。蕭蕭綠篠知。

雨雪曲

木落萬山空。旌旗捲朔風。防秋來上郡。積雪照雲中。
野曠霜蹄滑。天寒鳥道窮。還聞堠吏報。烽火徹關紅。

古皇日起結

有沉鬱之致

計

敬

四見

交讓曰勗丹五言律
清雋高潔似孟襄陽

謁丁清惠公墓

長別歸何處。春風此獨尋。六朝名世業。三問老臣心。
入廟威儀在。瞻碑涕淚深。暮風號石獸。寒柏更

森森。

晚過徐勝力南州別墅

春城一携手。信步到南州。醉倚前山樹。臥聞湖水流。
飛香浮曲徑。疎雨下平疇。最得幽棲勝。蕭蕭竹正秋。

舟次吳門有感

烟柳暗重關。征雲獨自還。江流深客恨。落日照離顏。
鴉亂雙橋樹。舟停兩岸山。不勝懷古處。誰復共追攀。

達夫日
秀朗

答高子修

春城一以別。此地復驚秋。白雪投新句。黃花憶舊遊。蹉跎長作客。蕭瑟畏登樓。日暮疎林外。蒼茫江水流。

雨夜聞雁

風雨連吳越。江城落木初。愁逢今夕雁。不見故人書。嘹唳宵分後。悲涼獨聽餘。棲棲向何處。此地即衡廬。

其二

嗟爾南來日。川原接網羅。那知心力苦。只為稻梁多。烟渚衝寒下。雲山向夕過。衡陽有遷客。秋思近如何。

早梅

已識春風意。寧忘冰雪心。自將空並色。不但玉為林。腸斷樓中笛。聲寒月下琴。何須感榮落。空谷有知音。

吳自求 二見

題錢爾斐園林

亭榭延朝旭。參差古樹間。迴廊修竹蔭。石徑碧苔斑。
老榦雕牆外。微花曲水灣。不須尋谷口。此地即東山。

九日登靈巖山小飲

策杖登高去。乘臺攬勝遊。天邊浮黛色。木杪掛湖流。
對酒黃雲暮。行吟錦樹秋。西施洞外月。清夜恰如鈞。

州來日余時同遊亦賦是題永言獨得真境

曹鑑平

四見

卜臣曰掌公五言律華美富溢直追初盛諸家禹書曰掌公五言律藻秀翩翩自是嘉州風調

驄馬

兵符下漢宮。塵暗五花驄。少婦啼金勒。征人挽角弓。
蹄翻葱嶺雪。嘶斷玉關風。絕漠橫行遍。投鞭策上功。

出塞曲

白馬幽燕子。橫戈下雁關。戰窮漠北地。追絕海西

柳沙詩集 卷七 三六
灣○暗○月○逃○空○障○愁○雲○壓○亂○山○歸○來○聞○漏○盡○帶○甲○枕
刀○鏤○

輝六日英采煥
發可儷子安

宮中行樂詞

繡○戶○春○光○動○珠○簾○淑○氣○回○鳳○釵○簪○寶○髻○鸞○鏡○倚○粧
臺○仗○引○金○鑿○入○香○隨○翠○輦○來○君○王○正○行○樂○鐘○漏○莫
相○催○

二

蜀○錦○初○裁○扇○齊○紉○乍○製○衣○理○鬟○迎○曉○日○度○曲○送○餘

暉○御○柳○含○烟○重○宮○梅○帶○雪○飛○簫○韶○天○外○發○緩○轡○夜
遊○歸○

三

紫○殿○晴○雲○繞○香○風○太○液○迴○葡○萄○新○入○貢○芍○藥○正○初
開○玉○笛○天○邊○奏○虹○橋○月○裏○來○掖○庭○多○樂○事○羯○鼓○夜
淡○催○

四

柳○驪○長○堤○綠○花○飛○蒲○苑○香○琉○璃○屏○作○障○翡○翠○筆○爲
床○金○殿○調○鸚○鵡○朱○樓○繞○鳳○凰○深○宮○明○月○下○競○進○萬

年觴。

交讓日諸作
俱是盛唐

歸雁

入塞隨陽鳥。乘春向北飛。江門聽欲盡。海國見應稀。
陣繞黃龍戍。途經玄兔圍。尺書憐少婦。藉爾寄金微。

春日同蔚宗介子載蕃過客園

放棹孤城外。良朋愜勝遊。湖光搖錦幔。春色上朱樓。
雨淨山橫翠。風生院似秋。園亭消暇日。對此每

忘憂。

吳江晚泊

繫艇松陵道。天空候雁過。晚山雲影薄。秋水月明多。
客路憑舟楫。人烟近薜蘿。蒼茫蘆荻外。鷗鷺滿晴莎。

懷駿如山右

憶爾辭鄉國。飄零若轉蓬。相思千里外。忽報一書通。
白草連秦塞。青山繞晉宮。何時罷遊覽。驅馬出雲中。

赤茂日通
體高渾

登金山寺

鼓棹衝烟疾。探竒竟日留。
長江南北限。疊嶂古今浮。
浪急蛟龍怒。風高燕雀愁。
憑闌遙送目。千里望中收。

舟次天津

春月辭家出。津門入夏過。
從知燕市近。還見海雲多。
萬堞臨高阜。千帆蕩濁河。
幾迴哀雁度。鄉思更如何。

初夏飲燕市壚頭

曲徑連清沼。垂楊弄晚晴。
新歌高白雪。舊夢悵銀箏。
芳草金堤滿。新鶯上苑鳴。
興來吟欲就。漸覺暮雲生。

子更日三
四精警

鸚鵡

隴山有靈鳥。辯慧總堪誇。
每啄櫻桃顆。曾歌玉樹花。
紅襟翻淥渚。紺趾亂明霞。
解述開元事。逢人說內家。

咏竹

夜雨湘江畔。蕭蕭聽未闌。不因淇水見。定向楚山看。笛奏柯亭晚。風生嶰谷寒。誰憐翠袖薄。紅淚濕琅玕。

穉賓曰咏物二

詩可謂工穩

卞

庚字嗣盼

大堤曲

自唱銅鞮曲。堤邊芳草生。布帆春貫酒。寶髻暖聞鶯。峴首登臨興。鹿門耆舊情。遨遊襄水側。一半踏

歌聲

江南曲

生公臺畔月。少伯宅前荷。荷動田田影。月移灩灩波。雕梁棲乳燕。綺席醉嬌歌。銀箭浮看盡。游人奈樂何。

亭彦曰創

調新雋

戈元穎

四見

東蔣子

三徑開初徧。遙知勝事多。樽容文舉共。客許仲宣

過閒訪蘆中隱。常聞棗下歌。晴窗當晚坐。嵐翠落雲和。

東赤茂

春老狂歌外。相思未見君。小巫吾有憾。大雅爾能文。舊約蹉跎隔。新詩遠近聞。扁舟常欲往。湖水日氤氳。

早春閒居

春風不相負。重到艸堂前。地煖初榮柳。池寒未種蓮。干戈看往事。雨雪入新年。野外容棲傲。江湖正

森然。

穉賓曰蕭然自遠

王辰三見

訪菊

我愛東籬菊。今朝冒雨遊。黃花三徑早。翠葉一庭秋。未載陶家酒。偏增楚客愁。不知歸路晚。漁唱起寒洲。

晚眺

平皋時極目。客思自依依。沙雁衝人起。城烏繞樹

飛林開秋色遠。山迥夕陽微。薄暮行吟罷。歸來獨掩扉。

錢士賁 五見

子存日巖燭五言律
刻意錢劉能絕常蹊

望月

久雨添愁思。纔看月半弓。荒亭斜照水。細草隱鳴蟲。竹石光無定。星河氣自通。蒼涼頻極目。緒論幾人同。

飲沈延年分景樓

今夕開華讌。諸賢畢集時。楚腰爭弱舞。吳客限吟詩。把盞忘更永。看花覺卧遲。多情頻顧曲。月影近簾移。

月夜懷掌公達夫吳門

秋高堪共賞。落葉冷吟虫。叢桂他鄉異。清輝萬里同。啣杯懷正切。良友思難通。新句應成帙。姑胥看落楓。

穉賓日清思縷
縷拂人襟帶

周振藻 四見

卜臣曰蕭陶五言律
清麗芊眠尤長咏物

銅雀臺

漳水自東流。淡恩豈復酬。雲迷銀鴨冷。月照總帷秋。同輦君何在。高臺妾尚留。西陵松柏路。凝望不勝愁。

關山月

迢遞關山月。征人迥獨看。光浮龍塞滿。影入雁門殘。朔氣侵金甲。霜華炤玉鞍。邊愁流不盡。隴水日慙寒。

折楊柳

春色明朱幌。垂楊夾道稠。枝隨珠箔捲。花遶玉窗流。未下攀條淚。先催倚曲愁。征書空悵望。終日對粧樓。

梅花落

檻外梅花發。扶疎映日明。風低搖素影。雪盡見殘英。塵掩青鸞靜。香飄翠幙清。笛聲吹不斷。悵別若為情。

赤茂日

韶令

送輝六家渭揚之安慶

擊汰向江程。江流駛復清。岸臨京口潤。樹接海門平。計日悲行役。看雲亂旅情。片帆何處落。華月石頭城。

穉賓日清芬逼人

秋望

處處逢搖落。亭皋縱目初。蟬吟吳苑樹。雁度薊門書。遠渚寒楓外。青山夕照餘。謾言秋望好。古木已蕭疎。

觀海

浩渺看無際。洪流下百川。仙人游貝闕。神女說桑田。鮫室知何處。蜃樓別有天。石橋遺跡在。海若謾投鞭。

瀑布

空翠下層岑。秋聲萬壑深。光翻廬嶺白。影落赤城陰。曾托詞人賦。偏娛曠士心。瀟瀟山水寂。誰與問知音。

柳

攀折人何處。年年發舊柯。絮隨紫燕度。葉映翠蛾
過。張緒風猶在。陶潛興自多。忽聞吹玉笛。無那斷
腸何。

子更日
似齊梁

雨夜聞雁

竟夕雨霏微。天邊雁却飛。孤燈五夜淡。清杵萬家
稀。不寢聞哀響。遙知濕素衣。南中凋弊久。春至好
言歸。

陳暉吉

四見

梅花落

纔見花如雪。春風一夜催。殘香浮綉幙。清影墜粧
臺。片片迎霜落。飛飛帶月來。羌兒不解怨。故弄笛
聲哀。

掌公日第
六句奇矯

關山月

金閨連玉塞。萬里影同寒。皓魄搖銀甲。清輝映素
紈。葱山光欲落。蒲海照初殘。待慰刀環約。紅樓相
對看。

江南曲

繡階晴烟碧。春陰二月開。游絲垂不斷。歌鳥轉相催。日煖芳堤曲。花明綠水隈。玉驄向何許。桃葉渡頭來。

又

曲巷倡樓啓。經過白鼻騮。畫闌初日滿。珠箔晚風斜。艷舞翻明月。嬌歌落彩霞。燈前出玉面。羨殺貌如花。

燭崑日幽艷

曹爾垣 二見

舟中秋夕

落日平蕪外。孤舟倒濁醪。月流江樹迥。星出海營高。那有還鄉夢。能無作客勞。相逢誰意氣。為贈呂虔刀。

古廟

蔓草高逾尺。蒼藤殿角垂。神鴉行享案。暮雨捲靈旗。伏臘山農社。龍蛇木魅祠。隔江明滅處。燐火夜深時。

交議日境象蒼
茫絕稱其題

李孫煌 三見

天寧僧舍對雨

景色逢搖落。空齋氣已悲。不堪終夕雨。况是倦遊時。雙樹鳥啼急。孤燈雁度遲。漫言高枕在。旅思益凄其。

塞下曲

飛將分符節。揚兵涉大荒。三年辭漢月。萬里淨胡霜。別隊趨雞鹿。前軍度柁楊。歸來麟閣裡。新見畫

圖張

秋閨

紅袖夜彈箏。秋風指上生。月臨搗練白。霜對捲簾清。湘瑟弦中恨。秦簫夢裡聲。征人何日返。共作鳳凰鳴。

子更日起

語秀逸

秋日湖上作

如練澄湖水。波光照客衣。朱樓迎日曉。畫舫帶星歸。晚樹翻紅葉。秋山擁翠微。最憐憔悴者。吟眺獨

依依

陸

疑

二見

關山月

幾度看新月。愁心入夜闌。光搖虎帳冷。影動雁門寒。塞上黃金甲。天邊白玉盤。刀環殊未下。回首望長安。

錢

煥

三見

宮中行樂詞

丹荔南州貢。朱櫻上苑叢。物華經歲易。遊樂入春

同。按拍偏宜豆。當車不避熊。共來花月下。剪綵闌天工。

又

冉冉纖羅漾。盈盈翠袖垂。後庭時預宴。宮女總能詩。却輦傳班氏。司花憶寶兒。宸遊良可樂。競進萬年卮。

肅陶曰
似青蓮

魏允札

四見

子存日州來任詩才英
秀五言律尤見警拔

禹書曰州來五言律措格必高選聲必雅其境地在子與明卿之間

折楊柳

風柳萬條齊。垂枝入戶低。高樓吹玉笛。明月照金堤。送別腸堪斷。疑粧望欲迷。軍中春信晚。攀折寄遼西。

愛妾換馬

掣電青絲騎。行雲紅粉姿。雕鞍迎駿足。綺閣別名姬。莫以驍騰日。遂忘嬌愛時。相逢山下路。蹀躞見金羈。

贈輝六

無限窮途恨。棲棲奈若何。浮沉一杯酒。寄托五噫歌。雄辯驚人易。高懷慢世多。明珠莫輕擲。且卧北山阿。

躬季試輒不遇。連遭大戚傷心之次。渴疾復

增詩以慰之

已是傷懷久。何堪病又新。君爲失怙者。僕本幼孤人。風雅原同調。文章自有神。依依念疇昔。相對一沾巾。

子更日如讀孤兒生
行令人妻然欲絕

同家介臣丹石登大觀臺

在雲居絕頂

相携攬勝去直上大觀臺
雉堞秋風落人家霽色
開湖連郊樹濶江接越山來
不盡登臨興長歌未
擬迴

同永言過玄墓觀梅

鄧尉山南路梅花十里平
珠林供晚眺寶地散春
晴塔影連雲出湖光隔樹明
飛觴織月下
有客坐
吹笙

古嗶日寫
景清麗

夜泊吳江道中有傷躬季

日落暮雲生扁舟渡口橫
寒烟千嶂合野火一江
明躅躑悲鍾子周旋待巨卿
凄其無限意遙夜故
人情

曉行同廷益

吳山極望遠迢遞此揚舲
月曉千家白霞明萬堞
青孤村驚落葉短棹帶寒星
天未離群雁知君不
忍聽

廷益近有
季弟之戚

夜宿靈隱禪房

我來靈隱寺。夜宿法王宮。仙梵泉聲裏。天花暝色中。鳥啼深樹月。虎嘯亂山風。此地堪欣賞。高吟對遠公。

夏日晚坐偶成

獨夜草堂靜。烟蘿晚翠幽。蟲聲隨野滿。星影入溪流。芳醕悲歌動。孤燈下幔愁。明朝負薪去。愧我尚披裘。

陳哲庸 四見

卜臣曰孔益五言律聲采秀麗琅琅可誦

十五夜

天涯今夜月。萬里散清輝。玉杵秋聲急。冰輪列宿稀。寒生叢桂落。光動曙鳥飛。莫向銀河望。霜華滿客衣。

觀漲

一望溪流駛。蒼茫萬里來。迴風飛匹練。夾石聞鳴雷。歸鳥驚難度。征帆斷不開。遙看滄海濶。把酒且登臺。

靜林

林靜堪棲隱。山深託遠踪。蟬鳴隨晚磬。虎嘯雜疎鐘。烟冷千巖竹。風高萬壑松。相看雲起處。雷雨見飛龍。

過孟東野井

孟公人已去。遺井水偏清。古沼寒泉落。新碑細草生。採銅悲帝子。鍊石駐仙旌。極目前溪畔。彌深弔古情。

掌公日曉
擘作麗

曹爾延 二見

招家魯元小集却贈

白社經年隔。清尊此夜同。蟲聲萬家雨。燭影五更風。醉後摹張聖。狂來憶阮公。莫輕分手別。峽路意無窮。

夜泊平望驛

停橈依古驛。隔岸聽漁歌。極浦殘虹斷。遙山落日多。鄉心懸鼓角。客路畏干戈。咫尺松陵縣。浮雲渺逝波。

稱賓日三
四似右丞

錢 爍 四見

贈歌者蘇崑生蘇曾為寧南戾客

昔為幕下客。今作郢中人。往事悲黃雀。新聲起白

蘋。三湘餘落日。一曲動陽春。吳越誰同調。商歌不

厭頻。

雨夜聞雁

無限悲秋意。凄其暮雨情。不堪風淅瀝。况復雁長

征。寒影天邊度。秋聲樹杪清。空庭愁緒繞。五夜一

燈明。

輝六日
淡宕

孫復煒 四見

擣衣曲

一片秦川月。臨秋濯素輝。清砧和漏發。玉杵雜霜

飛。井上螢初度。樓頭雁正歸。白狼消息斷。獨自擣

寒衣。

從軍行

身跨紫驂。駟翩翩。俠少遊從軍。過瀚海。牧馬到雲

柳洲詩集 卷七
洲舊習昆明戰。新隨定遠戾。壯心曾許國。西斬月
氏頭。

亭彥日其
氣甚壯

偕掌公達夫蔚宗登瓶山晚眺

極望渺無際。長天雁影過。夕陽寒照遠。芳草暮烟
多。井邑分青靄。樓臺出絳河。仙源清切地。鐘磬雜
雲蘿。

哭子明

一去黃墟邈。風流竟杳然。返魂無異術。化雀定何

年。窓竹鳴秋雨。床琴斷夜絃。溪深悲茂陵宅。誰復問
遺編。

陳喆倫 三見

赤茂日安上五
言律格調秀穩

偕子明遊谿默

散步晴郊外。相携更問奇。野花開斷岸。深樹隱鳴
鷓。綠蔭千林合。春風百里遲。寂寥同學侶。歸路漫
題詩。

寄題徐來可詩境閣簡淵伯

柳沙詩集 卷七
萃川稱勝地。有客結高臺。野色當窗入。湖光隔岸來。天空低白雁。月落照蒼苔。遙憶休文興。頻將入詠裁。

歸舟漫興

豈不懷歸切。其如道路賒。揚帆秋萬里。解纜月千家。風雨吳山夢。烟波越水槎。故園回首處。迢遞隔殘霞。

卜臣日音
節甚高

茗中九日

作客茗溪上。蕭條風雨秋。如何逢九日。只自對孤舟。白雁橫殘照。丹楓起暮愁。華堂良讌會。郢曲為

誰酬。時掌公以是
日舉詩社

遊慈感寺

不知慈感寺。一往見雲深。日照珠宮麗。香飄碧樹森。疎鐘開曉色。清梵帶秋陰。我本忘情者。悠然萬里心。

曹鑑章 四見

穉賓日達夫五言律得
王之清華孟之澹潔

劉生

遊俠滿長安。劉生獨探丸。睚眦已報風。雪酒方
關。七彩裝龍劍。千金買玉鞍。酣歌還出塞。匹馬渡
桑乾。

銅雀妓

百尺井幹樓。千年漳水流。花飛金鎖樹。風動玉簾
鈎。妾怨空絲管。君恩卷翠裘。西陵原咫尺。誰聽輦
聲留。

隴頭水

隴關通鳥道。九折水潺湲。南北征人淚。東西飲馬
泉。因風吹朔地。積雪到冰天。腸斷他鄉子。含啼驟
玉鞭。

出塞

殺氣高河朔。清秋大漠開。解圍玄菟郡。較獵白登
臺。仰射胡鷹落。翻騎宛馬來。玉門今不閉。齊唱凱
歌回。

亭彦曰擬古諸
作具見傑氣

送友人之山陰

客路斜陽外。征帆去不停。過江秋水白。隔岸暮山青。
旅雁霜前落。哀猿月裏聽。扁舟探禹穴。幾日到蘭亭。

孤山表忠祠

魏祠占絕勝。遺像表前賢。海濶飛精衛。山春叫杜鵑。
歲時猶漢臘。草木紀秦年。陵谷今朝異。豐碑入野烟。

十五夜對月

萬里愁雲盡。春星亦漸稀。一天寒鵲影。數點夜烏

飛。燈市紅霞落。鄉心絳蠟微。姮娥如可憶。迢遞悵支機。

同蔚宗載蕃暨大兄遊客園

携手探竒處。登臨愜素心。繁花明野墅。獨鳥下芳林。
樹隱烟霞積。山圍洞壑深。此間堪避俗。擁膝坐長吟。

題詩境閣

地勝同金谷。青山接遠天。流鶯春樹外。輕燕落花前。
雲起萃川雨。晴開漉渚烟。一樽誰共醉。月照夜

歸船

懷穉賓

作○客○他○鄉○久○難○為○羈○旅○情○關○河○千○里○濶○風○雨○一○帆○
輕○別○夢○縈○燕○市○歸○途○向○越○城○何○時○重○握○手○樽○酒○聽○
啼○鶯○

赤茂日通

體矯健

陳謀道

三見

子存日心微五言律氣
體春容有雅人深致

送友人之楚

六○月○巴○陵○去○微○雲○天○際○生○舟○浮○湘○水○濶○帆○掛○楚○峯○
晴○把○袂○談○前○路○開○樽○送○遠○行○風○塵○猶○自○壯○不○盡○古○
今○情○

武林道中

獨○鼓○西○陵○棹○漁○歌○處○處○聞○波○濤○天○際○合○吳○越○望○中○
分○遠○岫○迷○朝○雨○征○鴻○帶○曉○雲○晚○來○風○日○好○積○翠○滿○
江○濱○

塞下曲

征○人○三○十○萬○一○夕○度○龍○沙○北○望○天○山○迥○南○臨○斗○柄○

斜。瑠。弓。含。月。影。寶。劍。拂。霜。華。會。見。烽。烟。靜。鏡。歌。入。漢。家。

交讓曰
高華

歸舟漫興

小艇溪橋泊。江天一望中。秋濤十里白。夕照萬山紅。旅夢隨征雁。歸心逐短篷。况逢明月夜。長嘯對清風。

雨夜聞雁

蕭瑟秋風裏。孤鴻唳遠天。書傳千里外。聲斷九霄

邊。欲結金河陣。還飛玉塞烟。江南風景異。來往自年年。

曹爾壇 二見

宋河宗子壽招同林武宣柱九高李縉臣白

龍潭舟泛值雨

極目蒼茫裏。扁舟對夕暉。一尊風雨過。隔岸鷺鷥飛。遠樹烟將暝。遙山翠欲微。從今分手別。莫使尺書稀。

夜泊松陵

柳洲詩集 卷七
湖外初收雨。孤舟泊釣磯。高城戍鼓急。遠浦客帆稀。漁火穿林出。菱歌蕩漿歸。不堪遊子意。日落尚依依。

禹書日景

近趣遙

李

焯 三見

昭君怨

豈意蛾眉艷。承恩漢殿難。一朝歸絕域。萬里去長安。出塞聲初奏。披圖望已闌。欲知無限恨。歲歲塚前看。

銅爵臺

鄴下有高臺。霸圖良壯哉。月明橫架至。雪淨賦詩迴。飛閣連雲度。危樓向水開。何當歌舞歇。總帳自徘徊。

卜臣日二作

俱自明淨

塞下曲

十月河冰合。胡原草漸衰。神兵焚毳帳。駿騎掃龍祠。古磧寒光迥。長城晚照移。樓蘭猶未滅。耻復問歸期。

錢燁字子明

懷上衡淮揚

邗溝風物麗。憑眺發微吟。久繫它鄉夢。還忘故國心。樹分瓜步濶。春入廣陵深。曲誤君應顧。紅樓惜解音。

禹書曰子明年少風流自命與介子真稱二難婦翁仲芳先生稱為吾家玉樹使得永年其所造應不止此

陳秉四見

交讓曰夏臣五言律風格高華詞彩宏瞻惟其沐浴于李杜諸大家者深故不作小

過殷故都

乘語

北走殷墟近。太行落日斜。荒臺鬱草木。古殿踈龍蛇。劍佩侵寒色。關山老歲華。何當戎馬後。憑吊不勝嗟。

哭內兄徐二立

四月與君別。誰知永索居。空懸季子劍。難報秣陵書。樽酒平生密。几筵卧病疎。余因偶恙不及撫哭離愁無限意。風雨復階除。

吳門夜泊同昌言賦

欲獻金門賦。揚舲正未央。孤帆來越水。片羽發吳閶。
時有玉杵千家月。刀環萬里霜。與君從此去。處處是它鄉。
家報

渡泗水

迢迢征途遠。登臨極望通。淮流遙接泗。沛邑近連豐。
松柏青山外。粉榆白露中。翠華虛想像。伏臘向西風。

月

素魄雲中起。抽毫憶謝莊。寒生金掌露。影動玉鉤霜。
半夜懸清漢。三更落故鄉。還將遊子意。機上照流黃。

子更日工部
遙其構彩

銅雀臺

魏武經營處。高臺入望微。空餘千嶂合。無復五雲飛。
總帳從風歇。珠簾映月稀。西陵衰草遍。惆悵舊時衣。

真定道中大風

柳洲詩集 卷七 五言律 三
千里朔風飛揚沙。日色微。天空雙旅雁。歲暮一征衣。曠野河水合。寒林木葉稀。京華應漸近。何日獻書歸。

夜泊白龍潭
極目驚濤迥。湖光落照深。樓臺含蜃氣。風雨雜龍吟。倚棹千巖色。憑軒萬里心。烽烟海上急。天末起重陰。

禹書曰
警策

秋感

玉律凌秋爽。金風動地寒。丹霞天半出。碧落夜分看。桂影翻雲漢。榆光冷露盤。覽衣愁不寐。永夕起憑欄。

其二

獨坐高齋夜。相携濁酒杯。月高蓮粉落。雨過桂花開。枚叔觀濤去。張騫泛海迴。無端思浩蕩。拂袖向天台。

其三

楓樹涼飈發。山樓晚寂寥。蟲聲寒夜月。雁影落秋

柳洲詩集
卷七
潮染翰詞條密。占星劍氣遙。少年同學侶。倚望已
雲霄。

其四

秋節玄蟬響。邊聲白雁飛。荒原悲戍角。絕塞拂征
衣。寒入龍城笛。風生瀚海旂。只今天際月。夜夜照
金微。

卜臣曰不穰不
織神來之作

五言排律

沈煌

四見

暮春遡黃河觀新舊堤

禊修上巳後。柷鼓下邳東。蘭棗迎祥日。桃花漲好
風。沙颺濤屋黑。浪沸旭輪紅。迅箭驚奔駟。其魚感
化熊。豬身高廢堞。墟脊類飛蓬。四境無山阻。重關
盡水攻。蛟翻底柱險。鼉怯呂梁洪。如帶穿淮濟。襄
陵撼岱嵩。策傳賈讓確。歌憶漢皇雄。竹乏淇園健。
薪悲瓠子宮。長菱牽帝築。巨石補天工。素縞禳災
備。玄衣藉夢通。河宗歆祭貉。瀆長巨垂虹。刻玉堯
巡邇。堤金嬴駕崇。曲文儀北斗。秩望邁群公。沉璧

柳洲詩集
渠書合呈圭禹績同千年清可俟九里潤宜豐
槎拂星津裏源窮宿海中黃龍符太尉蒼兕誓元戎
已慶狂瀾弭還虞狹路訂敢裁溝洫志敬告大司
空

國學觀禮聞雅頌

群雍尊首善。逖邇利觀光。胄教夔初命。賓興旦再
颺。威儀開萬域。耳目聳遐方。道式先儒重。文隨聖
代昌。上下期合吹。二酉聽翱翔。釋菜因周禮。歌芹
撰魯章。一牢傳漢祖。亞獻憶唐皇。肆俎推前席。燔

柴降內香。朱絃流挾瑟。彤管佩循墻。振步依庭鶴。
聞音覲望。羊。崑家來戴聖。釋句仰毛萇。天子虔蒿
柱。名臣出栢梁。篆分白玉署。簾隱紫薇郎。振鷺西
雖潔。鳴鼉東序隍。耦三延鬢相。更五祝膠庠。兄在
通侯侍。師嚴高弟彰。中原無棄植。小草總承筐。啓
絳欣聯鄭。解頤爭說匡。性情深誨迪。氣運變柔剛。
虎觀忘同異。龍門疇頡頏。質疑勤負劍。請益敢登
堂。于邁從公飲。陳常遍爾疆。候塵應執御。濯德詎
施鱗。闕里麟遊近。尼山豹蔚長。茆澄圓沼碧。檜拂

闕宮黃。稽古桓榮座。箋經穎達床。瓊花連散髻。羽
扇映絲韁。階阼紛干戚。邊陲靜斧斨。聚奎驅野馬。
倬漢埽貪狼。惟有言靡憾。誰云讓未遑。蕩平知會
極。作述佐垂裳。玖珮偕鵷鸞。簫韶集鳳凰。金臺倘
擁篲。石鼓勒星霜。

釋賔曰極意鋪

陳富碩雄麗

魏學渠

五見

寄懷嶺西兵使者沈季子

休文奉使日。數載望前旌。身控三江險。才優百粵

平女桑春陌。徧細柳戰場。生閩外。敦詩禮。師中洗
甲兵。絃歌聞象郡。雅俗變羊城。月照青萍冷。風吹
綠綺鳴。戟門資卧理。戍鼓罷長征。早晚黃金詔。酬
勲荷聖情。

子更曰

秀切

送姜真源侍御還朝

天子思執法。詞臣願納忠。鳳凰鳴旭旦。鷹隼擊晴
空。一代文章伯。千秋氣節隆。秦川曾叱馭。淮楚再
憑熊。草木霜威裏。交親雲誼中。三年辭薊北。六月

渡江東。瀟灑帆檣雨。悠揚旌旆風。魚龍爭避鷁。山
水並迎驄。楊柳金堤綠。芙蓉御苑紅。朝登玄武闕。
晚對集靈宮。薄海蒼生望。安危事在公。

陳增新 五見

上巳後一日飲肇域齋

野曠春暉遠。風微宿霧消。玄禽雙翼綺。黃鳥數聲
嬌。離索遙相望。罇罍屬見招。勝遊追上巳。良會永
今朝。逸少名方籍。元龍傲未銷。倘容余嬾散。隨意
泛蘭橈。

掌公日逸

趣翩翩

四見

周宏藻

西關

宮闕宸遊地。烟花御苑晴。千門垂弱柳。萬樹轉
新鶯。日迥金鰲峙。天開玉竦平。九華結芝菌。三島
吮蓬瀛。複道芳飈度。縈流淥水明。堆雲浮碧海。積
翠溢雕甍。紅藥璇階密。青霞竹殿盈。緹城輝紫極。
羽蓋曜長庚。畫舸黃龍戲。霓旌紫鳳迎。歡娛摛
睿藻。扈從有長卿。載筆甘泉頌。矢詩靈囿賡。百昌

知望幸。雨露樂春生。

李

燁

五見

賀冀渭公郡司馬平盜五十韻

滸海鯨波蕩。叢祠狐夜鳴。途窮思一攫。嶠負勢難
攫。秋蟀籠筐廢。春鷓耒耜驚。連雲曉瘴合。帶月夕
烽明。七郡氛虹接。三時羽檄併。烏衣無燕雀。白社
徧鼙旆。啓事煩中鉉。虛聲動玉京。誰云籀易卷。未
見蔓能平。天挺神明宰。民溪子惠生。金章俊人後。
河洛舊家聲。識冠九流涉。氣儲五緯英。金天晶錯

落。簾篋玉鉤鏗。逸辨開三象。雄姿耀兩楹。詞壇欽
鳳藻。蕤苑主雞鳴。召父真遺愛。羊公有大名。政成
神雀下。治奏小鮮烹。出宰花成縣。臨戎柳作營。笑
談清沚戾。慷慨掃欃槍。盾甲方從事。矛鈇自請行。
文昌兼上將。司牧寄師貞。陣總三門畧。威揚五郡
兵。嚴霜寒耀甲。赤日火驅旌。幕帳芙蓉落。雕鞍楊
葉橫。衡衝輕矢石。鼓勇厲金鉦。士女壺漿喜。郊垌
負努迎。揮桴斬渠賊。解網赦餘氓。盜首奔秦蹙。遊
魂入漢誠。維新馳萬井。敵愾振千甍。犄角糜狂兇。

張羅繫駭駭洞陬無宿莽阡陌播春耕山雉臨營
伏江花帶雨榮鏡歌補羗笛樂府度瑤笙夾道看
俘獲同官慶武成三吳思保障江左識忠楨破斧
功誰繼銘山望已傾璽書飛北極冠履侍西清果
毅先諸將駢旄屬上卿豹韜辭簡至麟閣畫崢嶸
自愧身輕羽多慙未請纓山居親杜若溪隱狎鴉
鷲忽忽才將暮悠悠歲屢更鶯花隨醉遣篇什帶
愁縈勤苦嘗千跣支離困六庚誰能憐李廣空自
惜禰衡幸仰國僑盼恭邀德操評感恩知己重酬
德一身輕杜草心如結隨珠報未成劍鳴思出匣
驥伏企遐征行逐秦樓鳳同飛漢苑鶯異時東閣
啓從邁賦蒿萃

卜臣曰典重軒
爽特爲高作

毛蕃五見

壽計斯美六袞

玉露晴川媚清香發桂枝幔亭張樂後嵩嶽降星
時竹箭名材麗芝蘭秀色垂赤城傳錦字青縷著
鴻詞弔古丁溪勝觀書孔壁竒雷開天寶石日照

泰山碑易水停車久。金臺攬轡遲。曠觀抒偉抱。縱
 覽發幽思。談理驚三耳。高歌慕五噫。王孫懷薜荔。
 公子蘊江蘿。莫問楊雄字。誰携謝眺詩。空傳留白
 雪。已見改玄絲。朗月銀河淨。和風碧漢吹。仁人郊
 外頌。祭酒里中推。大易微言晰。南華奧義窺。異同
 融物態。冰炭滌襟期。藹藹和平聽。油油豈弟姿。人
 求元禮御。盜畏彥方知。樹有三槐古。門容駟馬馳。
 石麟呈麗景。丹鳳振威儀。甲子今重始。庚寅降在
 斯。望舒光尚滿。蟾兔影初移。淑氣迴金井。祥烟繞

玉墀。鸞車飛海上。鶴駕下瑤池。火棗麻姑獻。交梨
 王母遺。杖鄉非異數。再拜祝期頤。

禹書曰敦
華清雅

呂 寓 五見

賦得劍留南斗近

夙具芙蓉鏢。光芒見獨遲。鮫文藏翡翠。犀表匣琉璃。
 璃非直。交游俠何勞。贈別離。能傳黃石法。曾事白
 猿師。霞彩衝瑤井。霜華照玉池。傾人懸郭解。結客
 問袁絲。無愧風胡相。奚慙薛燭期。得充君子佩。絕

勝世人知風雨常驚夜龜龍未蝨時豐城應不遠
鄭重上君墀

李炳 五見

題詩境閣和淵伯韻

平原開別墅高閣迴臨風勝地萃川北名流震澤
東仲宣愁不盡庾亮興無窮翠篠連芳榭玄芝貯
藥籠溪橋明鏡裏烟雨畫圖中野曠松聲合潭清
月影空世情方幕燕吾道自冥鴻嘉會簪纓集新
聲唱和同濫竽深足耻學步未能工此日郊居賦

還應屬沈公

交讓曰神情散朗

魏允栴 五見

壽江陰李忠毅公尊慈孫太淑人八十

令節逢家慶高堂錦瑟張惠風迎臘日淑氣轉青
陽昭代簪纓盛東吳譜系詳衣冠連顧陸閥閱重
姬姜乃毓山川秀斯成邦國良少年能侗儻早歲
卽騰驤射策居高第擢文獨擅場起家爲外吏佐
郡理南康屢報循良績旋生輦路允殿中推執法

柱後奮彈章。白簡惟稱傳。埋輪幸有綱。寧容譏伏
馬。無不避神羊。阿母專中禁。涓人寵大璫。檻車徵
李杜。北寺共桁楊。受教當年事。流徽此日芳。精誠
廻地軸。浩氣動天閭。一旦弛鉤黨。千秋遂景行。恩
褒何赫赫。鉅典復煌煌。翟裼榮賢媛。龍章賚北堂。
豈徒封石窳。應自匹延鄉。嶽胤天方啓。干門日以
昌。神州今旅棘。滄海更栽桑。奕奕君山峻。滔滔江
水長。棲遲忘歲月。閱歷見冰霜。子姓俱鴻漸。諸孫
茲鳳翔。香輶娛淡蕩。綵服樂徜徉。予也生當晚。兼

之各一方。追思同患難。舉目感興亡。六膳仙人鼎。
三漿玉女觴。尸饗深自愧。錫類祝無疆。

輝六日雖未見警
飭而妙有體裁

計善

昭慶寺秋夜聽高子修彈琴

眞色合蕭寺。閉門涵道心。卷書將對酒。秉燭坐鳴
琴。玉軫當流水。商徽出暮林。悲從秋氣至。聲入亂
山深。別鶴臨窓起。孤鴻遶渚吟。離愁方瓜瓞。舊怨
自沉沉。一撥寥天靜。微吟澤國陰。亂蟲寒不雜。落

葉夜相侵。海氣迎餘韻。秋飈接遠碁。長羈聽欲淚。
懷舊意難任。月思遙留砌。霜情竊到衾。水盤傾碎
玉。星漏響清金。桂樹誰偕隱。幽蘭我獨尋。錢塘烟
漠漠。石磴雨森森。兄弟今宵在。湖山此際臨。阮潘
閒燕后。千載更知音。

顧瑛美 五見

贈張文葭

盛朝思借寇。年少出專城。繡虎才名舊。祥麟吏治
清。襟期黃叔度。經術鄭康成。清廟蠲牲醴。容臺佩

玉瑛入司三禮重。出攬八州英。少室雲霞秀。中天
日月明。文章逢哲匠。冰雪自持衡。知己千秋感。求
賢九陛旌。祇因皖伯國。自古上遊程。西控江湖濶。
東蟠龍虎平。循良親擢吏。保障出名卿。渤海潢池
靜。淮陽卧閣迎。九天飛赤簡。五馬度葱珩。馴雉懷
新政。還珠不近名。錫男稱召杜。譽髦識韓荆。吳楚
烽烟息。江山杜若生。璽書褒漢代。露冕錫燕京。碧
水鶯花暮。春雲嶺樹晴。予無王粲跡。君有蔡邕情。
故土相知少。南皮憶舊盟。

葉夜相侵。海氣迎餘韻。秋飈接遠碁。長羈聽欲淚。
懷舊意難任。月思遙留砌。霜情竊到衾。水盤傾碎
玉。星漏響清金。桂樹誰偕隱。幽蘭我獨尋。錢塘烟
漠漠。石磴雨森森。兄弟今宵在。湖山此際臨。阮潘
閒燕后。千載更知音。

顧瑛美

五見

贈張文葭

盛朝思借寇。年少出專城。繡虎才名舊。祥麟吏治
清。襟期黃叔度。經術鄭康成。清廟蠲牲醴。容臺佩

玉璫。入司三禮重。出攬八州英。少室雲霞秀。中天
日月明。文章逢哲匠。冰雪自持衡。知己千秋感。求
賢九陛旌。祇因皖伯國。自古上遊程。西控江湖濶。
東蟠龍虎平。循良親擢吏。保障出名卿。渤海潢池
靜。淮陽卧閣迎。九天飛赤簡。五馬度葱珩。馴雉懷
新政。還珠不近名。錫男稱召杜。譽髦識韓荆。吳楚
烽烟息。江山杜若生。璽書褒漢代。露冕錫燕京。碧
水鶯花暮。春雲嶺樹晴。予無王粲跡。君有蔡邕情。
故土相知少。南皮憶舊盟。

魏允枚 五見

贈栢蒼守周宿來

望重雲間士。名高日下人。騫騰起霄漢。橫厲出風塵。
南省先陳策。西曹蚤曳紳。法冠隨日月。綵筆動星辰。
豫土乘軺莅。司州捧節巡。明刑周下隱。敬獄播皇仁。
宿來曾恤刑中州皂蓋旌黃霸。朱轡寵寇恂。山城棠蔭徧。垌野稻苗新。
卧閣風彌肅。宸帷政自神。遙看靈雨渥。露冕正行春。

予存日卜臣任雅不措意長律率多酬應之篇此作差覺穩淨故存之

孫 錄 五見

擬孟春 上幸南苑閱武命親王帥師入蜀

群臣應制

耀德 皇謨重觀兵 聖武揚東風吹太簇。北斗

炳春王鳳輦馳芳甸。龍鑣出未央。泰壇祈穀實。時值

祈穀南苑閱戎行。元朔誠難茲。貞觀未可方。射鴈原

疊翼。躍馬本騰驤。帝曰思寧宇。臣心念啓疆。相如

曾諭蜀。諸葛亦平羌。自古蠶叢峻。於今鳥道長。陳

師開玉帳。簡帥勅銀潢。聚米為山谷。驅鼉駕海梁。

魏允枚 五見

贈栢蒼守周宿來

望重雲間士。名高日下人。騫騰起霄漢。橫厲出風塵。
南省先陳策。西曹蚤曳紳。法冠隨日月。綵筆動星辰。
豫土乘軺莅。司州捧節巡。明刑周下隱。敬獄播皇仁。
宿來曾恤刑中州皂蓋旌黃霸。朱轡寵寇恂。山城棠蔭徧。垌野稻苗新。
卧閣風彌肅。褰帷政自神。遙看靈雨渥。露冕正行春。

子存曰卜臣任雅不措意長律率多酬應之篇此作差覺穩淨故存之

孫 詠 五見

擬孟春 上幸南苑閱武命親王帥師入蜀

群臣應制

耀德 皇謨重觀兵 聖武揚東風吹太簇北斗

炳春王鳳輦馳芳甸龍鑣出未央泰壇祈穀實時值

穀祈南苑閱戎行元朔誠難茲貞觀未可方射鵬原

疊翼躍馬本騰驤帝曰思寧宇臣心念啓疆相如

曾諭蜀諸葛亦平羗自古蠶叢峻於今鳥道長陳

師開玉帳簡帥勅銀潢聚米爲山谷驅鼉駕海梁

行厨分玳瑁。太府錫珪璋。鎧甲明於練。瑠鞍潔似霜。七盤通劍閣。三峽下瞿塘。豈為求金馬。非關問白狼。鵝鵝應解胃。魚麗盡除裝。日暖將軍戟。花明帝子裳。是天皆雨露。何地不苞桑。鏡吹來蠻服。車書達夜郎。夔人輸蒟醬。巴使進枕榔。嶺外烽烟息。階前干羽颺。叨陪厠侍幸。拜手誦平康。

燭崑日事

律俱合

曹鑑徵 五見

送輝六之安慶兼訊文茂

送子臨岐路。勞歌向水涯。蒲生春葉短。柳拂夏條垂。旅望吳天闊。鄉心越鳥悲。含情惜分手。把酒問歸期。日落滄波遠。風輕五兩遲。皖山平驛樹。楚月隔江湄。念別經千里。茲行到幾時。故人羈薄宦。藉爾道相思。

蔣 璩 五見

呈許黃門霞城先生二十六韻時以七袞稱

壽

一代儒林望。千秋大雅傳。文章高柱下。經術定羣

柳洲詩集
編讞獄初臨。越論兵卽向燕。黃門推直節。青瑣讓才賢。南國衡文美。西江較士專。登門盡桃李。共載類神仙。折檻風猶壯。鋤璫氣自堅。九重櫻帝怒。三黜令人憐。自許清流貴。誰云鈞黨偏。龍飛重見日。鴻漸再逢年。廟算時參議。朝綱賴仔肩。安危原係主。剝復更由天。讜論違時宰。彈章入御前。暫時辭雨露。幾歲避烽烟。南渡恩非薄。東山興不遷。清尊對文史。白髮老林泉。誰料蓬萊水。終成桑柘田。黃池先飲馬。遠海未投鞭。無力填精衛。傷心聽杜鵑。

三朝遺諫草。十載學逃禪。景望山河表。光依日月邊。二難滋玉樹。百里動星躔。共展凌雲筆。還工流水絃。休文師表重。元禮楷模全。上壽人稀古。中流志着先。願因白雪調。一進紫霞篇。

赤茂曰許黃門東南碩果生平梗槩畧見于此

曹鑑平

寄陳雍期胡又弓兩太史

憶昔勞仙馭。離筵祖帝城。音書三歲隔。鸞鳳九霄鳴。視艸分班直。垂鞭扈蹕行。櫻桃開細雨。楊柳試

新鶯露掌金盤溢。天風玉珮清圖書。搜秘府。詞賦
儼西京。雅望推公輔。清標識令名。停雲增別緒。望
月動離情。在苒風塵暮。蹉跎節序更。何時重握手。
尊酒叙平生。

交讓曰
莊麗

送錢長孺司理池陽

少年方佐郡。父老慶才賢。叱馭吳天外。驪歌越水
邊。河橋初霽雪。江樹迥含烟。山勢銅陵出。濤聲秋
浦連。金羈嘶去馬。玉管醉離筵。悵別雙旌遠。相思

一鴈旋下車。虛貫索約法。示蒲鞭。為政風流地。端
居仰俸錢。

周振藻

五見

壽李子喬父執五袞

世運滄桑改。聲名山斗連。伯陽推吏隱。元禮重才
賢。解紱當茲歲。彈冠自昔年。琴鳴呂水曲。花滿歛
州邊。異績齊馴雉。清風比酌泉。人皆思魏闕。君已
賦歸田。畏履王陽坂。欣乘少伯船。竹栽千畝綠。架
倚百城偏。書法追光祿。詩篇嗣謫仙。義方顏訓肅。

家學鯉庭傳。鍾律青陽啓。桑弧吉日懸。捧觴何秩
秩。舞綵自翩翩。紫氣三霄降。榮光五老延。通家欽
父執。少賤賴周旋。聊復申三祝。陳詞愧未妍。

魏允札 五見

題詩境閣和淵伯韻

巍峩啓高閣。憑眺拂春風。香發珠簾外。鶯啼畫檻
東。閒雲看欲盡。芳草望何窮。夕照汀間落。輕烟柳
際籠。逍遙三徑裏。觴咏百花中。繡陌嬌羅綺。晴川
綠碧空。平沙落新燕。遠渚度歸鴻。帆影衝鷗過。漁
歌唱月同。元規典不淺。崔顥句還工。八詠誰能嗣。
于今有沈公。

陳哲庸 五見

遊黃竹里山

久憶山川勝。今來思渺然。銀濤浮翠壁。石磴瀉紅
泉。百里危巒迥。千尋疊嶂懸。峰高還起伏。岳斷自
盤旋。虎豹潛空谷。雲霞障遠川。脉來天目下。勢接
洞霄邊。古寺傳清磬。新篁拂紫烟。登臨無限興。遊
子欲忘年。

陳喆倫 四見

秋日登峴山

聞道峴山勝。蒼茫峙碧空。千巖懸曉日。萬壑起秋風。
津路南瞻近。樓臺北眺雄。湖光連縹緲。塢影倒空濛。
竹樹年年密。帆檣處處通。金飈橫碧落。玉露冷丹楓。
形勝秋逾壯。登臨賦自工。幽懷憑蠟屐。曠志逐征鴻。
客夢青山外。鄉書夜雨中。憑高愁極目。長嘯意何窮。

計敬 五見

賦得靈鳳振羽儀

結族丹山裏。他年入帝京。三文開上瑞。五彩耀休明。
賀世璿丘舞。歸昌石柱鳴。覽輝知德茂。巢閣見時亨。
翩翩凌瓊樹。鏘鏘竝玉笙。乾坤容出沒。霄漢任縱橫。
飲以玄霜潔。身隨紫霧輕。威翔雙翮健。雄視九州平。
日月翎邊逝。風雲腋下生。濯纓臨弱水。求匹向蓬瀛。
萍藻鳧鷖羨。籓籬鷗雀驚。秦樓空復夢。漢苑杳無聲。
邈矣堯圖授。懷哉舜樂成。畫宮移影在。倍憶濟陽城。

陳謀道 四見

柳洲詩社讌集詩

江左衣裳會。華堂獨肆筵。南皮追勝事。金谷想遙年。
 氣誼千秋重。文章一代先。杯能啣夏日。筆欲湧春泉。
 遙興凌雲起。清歌入座妍。梧桐含遠黛。楊柳拂輕烟。
 賦就今宵燭。水流六月天。騷壇詞客滿。相對更殷然。

魏允桓 二見

壽太翁子建先生六袞

九陽開淑景。三節度芳年。紫氣浮晴旭。薰風轉瑞烟。
 禎祥欣協應。歌祝競駢闐。閔閔吳中舊。聲名隴右先。
 誕靈占嶽降。毓秀識星躔。德望高元禮。文章邁仲宣。
 書從黃石受。劍自白公傳。管樂堪齊軌。原嘗定執鞭。
 縱橫五千卷。揮霍十三篇。聚米知量地。周髀善測天。
 金樽酒泛泛。珠履客翩翩。昔歲稱交誼。先人實比肩。
 論心蘭社裏。把臂竹林前。經濟時商確。詩文互諦詮。
 友朋敦密契。姻婭締嘉緣。忽邁金精動。俄驚炎祚遷。
 蒲輪徵幣發。蓮幕辟書懸。鍾

阜供吟眺金陵自往還。雞鳴埭上月桃葉渡頭船。
故國河山異。新亭涕泗漣。談兵虎帳肅。借箸豹韜
研。慷慨隆中傑。風流洛下仙。那知沉赤縣。終復變
桑田。避地聊携甕。觀濠不憶筌。門仍通德號。亭有
太玄編。耳順從茲始。瞳方詎偶然。長庚應瑞合。週
甲攬揆全。綵袖翻琪樹。華堂肆綺筵。八龍爭天矯。
雙鳳最飛騫。鳩杖他年倚。麟芝此日鮮。延齡書碧
字。益壽進丹泉。拜手欽前輩。稱觴旅後賢。葛蘿蒙
覆露。患難荷周旋。酬德慚無賦。陳詞托短箋。

陳秉

五見

渡錢塘江

浙江從此渡。欲向會稽遊。雪浪常驚岸。風帆好挂
舟。潮平津路近。水落淺沙浮。柝響朝方歇。橈歌夜
未收。吳山連越嶠。海氣接江流。泉瀑千巖布。人登
百尺樓。青楓開曙色。白露動清秋。東望長天迥。狂
歌散客愁。

贈呂修祉先生時以採藥至江南

玉帳談經暇。金門視草餘。行旌辭北闕。飛蓋渡南

徐覽勝吳都賦。探竒越絕書。杯傳張翰酒。山憶謝
 安居。丹竈僊人藥。靈芝方士蔬。雲天屬氣誼。書札
 滿樵漁。何幸儒生里。曾停長者車。百年今把袂。萬
 里此褰裾。白雪高難和。青樽愧未涸。周廷推吉甫。
 漢室重相如。黃閣垂聲遠。金甌佇卜初。星辰占紫
 氣。日月照黃輿。朔塞來鴻雁。江天寄鯉魚。啣恩累
 世切。何以報瓊琚。

掌公曰蕭閒滇
密兩不相掩

柳洲詩集卷之八

毛蕃 蔣瑑

陳增新 李炳

同學

李煒 魏允枚

全選

魏允枏 曹鑑平

七言律詩一

沈湛 四見

穉賓曰淵伯七言律波瀾
壯濶有屈注天潢之槩

全子更丙仲昌言穉賓卜臣古隍夜集城南

雨過城南荷芰涼。倚梧華月映飛觴。共憐京洛貂裘敝。還羨簾櫳艾納香。時丙仲維揚納姬辯騁碧鷄浮玉椀。詩成朱鷺泛金塘。天涯悵望離羣久。北斗闌干興未央。

鹽官觀海同赤茂

到來便似欲飛騫。一氣蒼茫合混元。秦駐依然橫海面。靈胥祇自撼山根。三秋駭浪魚龍動。萬里愁雲日月昏。暮雨衝風吹不已。崩濤無盡向西奔。

赤茂曰雄渾能稱其題

咏竹

獨餘蒼翠照幽襟。離立森森已作林。曾共群賢來曲院。却標勁節向雲岑。琅玕裁就棲鸞影。律呂調成吐鳳吟。試到會稽亭上望。一椽猶自結清音。

褚偉 三見

擬唐人興慶池侍宴應制

九重僊仗夾中流。葉嶼花潭勝十洲。映水芙蓉隨鳳輦。浴池鴛鷺繞龍舟。雲依絳幄秦川雨。柳拂虹橋漢苑秋。慚愧甘泉獻詞賦。得因睿蒸扈宸遊。

懷子弁

憐君疋馬向長安。迢遞關河行路難。遙望暮烟迷北寺。坐看秋雨泣南冠。青絲乍拂盧溝月。白恰長隨易水寒。此日有書須急上。金鷄應出五雲端。

子更日格
律清森

沈煌五見

子存曰火文七言律
典麗精碩自是作家

路逢征南兵

瘴霧蠻烟接海寒。親藩虎旅下長安。帳前歌舞從

軍樂。笛裡關山行路難。朱雀乘風開百粵。明駝嘶月出三韓。依依楊柳天南盡。銅柱應標舊據鞍。

泊夏鎮懷弘益堂諸子

夾岬樓臺做夕暉。登臨四眺倍依依。天高嶧水魚龍濶。春滿徐州鴻雁稀。大野瀦前停客棹。長庚輝處辨王畿。故園此日思千里。桃李翩翩鶯亂飛。

上衡日能
開畦町

燕臺社集余以冗不及赴

清簾分箋碧玉涼。麥秋風細繞輕裳。賦成鸚鵡傾

瑤席坐對芙蓉泛羽觴。黍谷肯因鄒衍暖。竹林應
恕阮生狂。側聞太史靈臺奏。鬱鬱蔥蔥是帝鄉。

王 睿 二見

送吳岱觀赴德清學博

兩度相逢古北平。燕歌馬首動離情。金門吏隱辭
千石。雪水傳經勝百城。君去尚稱秦博士。余畱仍
作魯諸生。從知清興秋來劇。好釀烏程永夜傾。

送蔣為章民部視餉邗關

東南財賦重持籌。寵命新膺駐上游。萬里艤艫飛

越水百年筐篚會。皇州潮隨壁月雷。塘白雨散瓊
花。隋苑秋應念故人。能作賦。薊門憔悴獨登樓。

禹書曰聲

采華瞻

朱 輅 二見

南湖春泛

如練晴波漲淺沙。西連長水片帆斜。浮圖月曉諸
天樹。睥睨烟開萬井家。縹緲碧雲疑入戶。微茫綵
鷁似飛槎。相攜出郭同吟眺。踏遍三春醉李花。

交讓日駢

宕多姿

顏黃 四見

秋懷

處處金風起白鷗。蕭森木葉洞庭秋。濤聲百里來
蒼嶼。樹色千重入画樓。明月夜聞吹笛怨。黃花時
對捲簾愁。平川斗酒堪移棹。何必滄洲汗漫遊。

卜臣曰
清婉

魏學渠 六見

子更曰子存七言律氣體高
華聲調瀏亮可方岑嘉州

經吳城

疎柳高梧傍客舟。闔閭城上角聲秋。風吹白紵清
砧急。月上紅闌暮笛愁。草碧吳天迷北望。潮平越
水向南流。行人無限滄浪思。幾處笙歌繞驛樓。

三月十九日與敬輿陳子談及甲申舊事

北望長安淚已潛。愁雲莽莽滿燕關。虎賁遙憶千
官入。龍馭虛傳七萃還。當日金鳧投野草。何時玉
輦到人間。侍臣竟阻南巡策。幾恨遺弓不可攀。

亭彥曰慷慨悲
涼不堪多讀

燕臺感舊

柳洲詩集 卷八 五
宮闕岩峩夕照開。登臨是處重徘徊。一行雁影南
天落。萬里龍媒北極來。芳艸萋迷埋石鼓。寒風蕭
瑟上金臺。因逢燕市悲歌客。貰酒還聽画角哀。

過雄縣

滿目黃塵願已違。那堪碧草又芳菲。風高暮嶺雙
鵬落。路入荒城一騎歸。官柳參參邀客渡。戍花片
片上征衣。登車不斷江南夢。喜見澄潭有釣磯。

九日登淮陰城

它鄉九日亦登臺。楚甸清風拂樹來。漂母祠前秋

雁落。淮陰城北海雲迴。關河迢遞催刀尺。樓閣參
差對酒杯。戎馬中原猶未息。每因憑弔念雄才。

送王伊人頒詔鄖陽

使者乘輅出上都。雙旌南下亂平蕪。春經梁苑詩
多少。雲到陽臺夢有無。鳳詔親頒糜子國。鴻書遙
隔洞庭湖。仲宣樓在能張楚。此日雄風倘未孤。

掌公曰比之元美繁
吹春調尤見勻適

贈郟城馬雲翔

憶昔聯鑣出帝城。相逢三歲又長征。金臺突兀無

柳洲詩集 卷八
凡馬宮樹參差見。蚤鶯獻賦春風國。士遇班荆落日故人情。天涯兄弟如君少。慷慨中原舊識名。

淮上訪陳階六明府

百尺樓前淮水平。三秋客夢使君情。蕭蕭雨暗田橫島。漠漠雲遮韓信城。南伐六軍方駐馬。北來四月未聞鶯。不堪回首西州路。重向山陽聽笛聲。

求仲曰五

六流麗

送孫無言歸黃山

十年湖海願多違。身歷干戈老布衣。日落清淮人

獨去家畱白嶽。雁初飛。歲寒意氣傳雙劍。故國山河寄一薇。余亦蕪城聊作客。那堪回首賦將歸。

酬姚山期

片帆衝暑到揚州。蕭寺逢君話舊遊。岐路未忘多難日。同心更憶故山秋。掀髯笑上要離塚。短髮酣歌帝子樓。南望臺城楊柳色。孝陵風雨不勝愁。

燭崑曰山期慷慨之士。讀此如接其鬚眉。

訓錢爾斐

孤帆細雨到江城。珍重新詩一送行。木落淮南鴻

信○斷○霜○飛○薊○北○客○心○驚○縱○橫○油○素○千○秋○業○投○贈○琅
玕○萬○里○情○漫○向○東○山○占○紫○氣○君○家○伯○仲○久○齊○名○

其二

谿○邊○卜○築○近○如○何○曲○水○迴○廊○繞○薜○蘿○自○愛○雲○林○澹
歲○月○幾○看○冠○蓋○狎○風○波○春○生○南○國○梅○花○夢○雪○霽○西
山○馬○首○過○朋○好○十○年○誰○稱○意○相○從○招○隱○莫○蹉○蛇○

再遇杜于皇廣陵賦贈

蕪○城○楊○柳○又○成○行○杜○老○高○歌○仰○屋○梁○白○下○攜○家○今
共○隱○黃○州○歸○夢○正○難○忘○賦○才○歷○落○題○鸚○鵡○酒○態○縱

橫○典○鸚○鵡○回○首○瀟○湘○風○雨○暗○九○嶷○雲○路○益○蒼○茫○

古嗶曰

高老

題廣陵洪亭玉烟波草堂冊子

畫○圖○結○構○碧○雲○齊○芳○樹○清○泉○近○竹○西○檻○外○滄○浪○涼
夕○照○簾○前○荇○藻○亂○春○蕙○不○須○東○閣○懷○何○遜○且○向○扁
舟○學○范○蠡○平○地○風○濤○忠○信○涉○一○輪○秋○月○落○江○隄○

蔣玉立 五見

廉伯曰亭彥七言律與輝六俱宗

少陵輝六得其氣豪彥得其骨

交讓曰亭彥七言律

氣骨蒼茫有似北地

京口別禹書弟

離亭尊酒唱駟歌。斜倚蘭橈起夕波。帆掛好風趨
北固。客隨明月渡黃河。江邊楊柳催人去。秋盡芙
蓉奈晚何。別後池塘應入夢。音書頻寄莫蹉跎。

東曹顧菴

東阿才調世應稀。相繼蘭臺望不違。虎觀含香裁
玉案。鳳池解珮拂金徽。晴雲五色繁花麗。瑤草三
春紫燕飛。此日上林誰珥筆。看君詞賦有光輝。

穉賓日光
華流溢

渡江

江流九派盡朝宗。六代繁華悵舊蹤。千里雲浮瓜
步。樹片帆風送蒜山鐘。鶯花半落愁邊過。烽火頻
年客裏逢。五岳尙賒它日願。何時汗漫一相從。

寄交讓

青郊結伴共相招。白社風流尙未遙。日暖鶯聲聞
柳陌。春深花落轉蘭橈。騷人自紀庚寅歲。旅客重
過丁卯橋。我念離群空對月。懷君江上轉蕭蕭。

旅懷

燕山迢遞故園心。欲破愁顏酒漫斟。古渡孤舟雙燕語。滄江細雨一龍吟。看花憶弟清宵永。見月懷人旅夜深。此去長安淹歲暮。城邊秋急搗衣砧。

韓聖秋方子貽兩中翰招同吳見未施尚白方邵村三比部張康侯吳園次彭燕又許天玉王懷人王奕世諸子集報國寺松下

限韵

偃仰蒼虬百尺松。上方遙聽白雲鐘。平原暮暗西山雨。飛閣晴開北極峯。漫說高臺曾市駿。空令雄

劍欲成龍。相從蓮社歸來晚。羽騎長安醉裏逢。

出都門遊張灣廢圃與術者談數頗有奇驗

遂賦

荒亭結構綠陰叢。水沒沙痕見蚤鴻。曲渚芙蓉含暮雨。女墻薜荔動秋風。乍逢管輅人非遠。却愧張衡賦未工。一別故交多悵望。帝城日落五雲中。

輝六日芳
吹襲人

夜泊

河頭昨夜水濺濺。黃龍廟口啼暮鶻。秀麥回風忽

柳洲詩集 卷八
作浪。綠楊帶雨空含烟。呼魚買酒襄陽估。打鼓鳴榔聞闖船。誰是江南同客者。故園荷葉已田田。

古隍曰獨見蒼勁

虎丘晚泊

橫塘小艇弄潺湲。夾岸丹楓映白鷗。雲斷野田迷古寺。烟生遠樹失青山。水犀寂寞空餘恨。金虎蒼涼去不還。聞說五湖多隱士。爲尋梅福到吳關。

送陸季冲之任鬱林

使君五馬共徘徊。驛路先傳庾嶺梅。絕徼已知烽

火息。炎方蚤罷羽書催。行春緩轡旌旗煖。落日褰帷瘴厲開。陸賈文章通百粵。乘時應見趙佗來。

赤茂曰森遠有高岑風骨

五日蘭陵道中同吳無念陸昭平宋玉書小

飲舟次分得榴字

相逢客裡折葵榴。五日登君青翰舟。十載弟兄憐異地。他鄉風物紀同遊。波翻燕急當蒲綠。水漲魚肥及麥秋。無限旅懷消未得。盈尊桑落正堪酬。

發武陽道中

久客孤城憶故廬。臨岐莫計旅懷疎。山盤碧嶺回
飛雁池。蒲青蒲不產魚。數里朝暎開遠樹。千村夜
雨長春蔬。敝裘應笑歸來晚。寂寞虞卿只著書。

四月自婺歸至湖上

江流乍轉見南屏。久客重登湖上亭。樹密烟深山
寺雨。水香花落草堂星。駢闐玉勒垂楊畔。蕩漾蘭
橈杜若汀。更喜清和風景好。曉鶯啼過數峰青。

越石曰一
起聳秀

沈權之 五見

卜臣曰孝威七言律聲
情婉秀不失唐人架夔

金山寺

岩堯水際湧孤峯。日麗禪扉翠靄重。江路西迴縈
白練海門東。拆掛蒼龍波澄色映千邨柳。天濶聲
傳十里鐘。欲到上方帆已度。遙看青嶂削芙蓉。

秋日泛泖

秋風江上雁離群。楓葉蘆花兩岸分。北望青山邨
落日南飛鳥。鵲暗浮雲荒邨古。戍寒烟斷津市高。
樓。回角門。此地干戈應不到。前年曾駐水犀軍。

春暮偶成

幽居庭院漫啣卮。春色芳菲倒接離。溪水乍高青
岸沒。野薇新長綠陰移。愁經風雨空懷古。坐對鶯
花獨感時。何日山中醉司馬。相攜同過習家池。

同越石過智證蘭若

携手晴郊訪道林。蕭蕭精舍對城陰。石門暫啓經
聲息。竹迳初逢客興深。花發閒庭來淑氣。香飄廣
坐識禪心。浮生不盡滄桑恨。惟有蓮臺自古今。

掌公曰神似石
林精舍之作

丁璜 三見

舟行卽事

玉壺春酒故園情。迢遞關河悵獨行。客裏看花愁
寂寞。夢中惜別厭分明。月移孤舫潮初上。風亂橫
塘笛一聲。阮藉于今踈懶甚。何須到處有逢迎。

感懷

峻嶒劍閣控華陽。嶺樹縱橫鳥道長。益部霜清馳
組練。昆明水滿試鯨鯢。千崑曉日銅符麗。萬壑秋
風使節黃。不必相如能諭蜀。金牛早已度瞿塘。

交讓曰
壯麗

當壚

青螺爲黛粉爲妝。酒氣微聞珠翠香。白眼醉眠容
阮藉黃壚邈。隔恨稽康。佳人漫欲調冰雪。上客翻
從典鷓鴣。聞說盧家原少婦。那知身到鬱金堂。

陳增新 六見

赤茂曰瑯琊濟南物色邇來剝拆殆盡
子更務去塵言獨成機杼有廓清之力
禹書曰子更七言律風格高雋聲調流轉
間似雕鏤終歸渾脫領其神韻動合自然

次泰安望嶽

千盤積翠白雲層。萬壑春寒未解冰。東去群峯茲
蒙羽。南來結駟半鄒滕。天門晝靜秦松落。日觀朝
暉海氣澄。坐倚監州高閣望。蓮花峯霄漢果峻嶒。

子存曰沉雄
不減老杜

懷越石時遊栝蒼訪周宿來郡守

極浦遙山啣落照。漁歌斷續送飛槎。丹楓絕壁迎
眸。白雁空江背舸斜。太守高吟窓裏岫。遊人獨
眺嶺頭霞。栝蒼處處堪乘興。秋盡揚帆采石華。

擬唐人興慶池侍宴應制

滄池遠接漢郊圻。御輦緹城十里圍。暖日繁香行殿密。輕風画舸浴鳧飛。侍臣共沐金莖露。中使新呈火浣衣。扈蹕橫汾誇燕樂。愧無麗藻荅恩輝。

釋賓曰擬唐諸作此尤不失毫銖

舟泊嵒梁橋有懷吳中諸子

歸舟蕩漾此河濱。夾岸花飛悵暮春。碧水潺湲常遲客。青山迴合自依人。雲開魯甸鄉關近。書到吳天艸樹新。最有嵒梁橋上月。清輝入夜轉相親。

望下邳

下邳殘驛楚山分。愁上津橋對暮雲。陰雨蕭條湖上過。勞歌往復客中聞。危梁水落難移棹。連雁天長易失群。一望墟烟重回首。路迷何處是淮濱。

訓徵之見懷次韻

微山面面靜朝暉。愁對牙樁去燕飛。別後路岐清夢遶。春來游倦素書稀。幾回關月懸征棹。無那京塵染客衣。腸斷滄波君不見。風烟兩地寸心違。

舟次下邳曹蜚離取道先歸同彭駿孫限韵

琳宮薄暝扣疎鐘。返照蒼崖紫萬重。夜色漸看垂

柳洲詩集 卷八
碧漢涼颺先自到。芙蓉村空楚火時明滅。客老徐
方少過從。獨有鄴中曹子建。片帆乘汝下南龍。

卜臣日起結
妙有遠神

臺庄旅泊

津亭畱滯欲何依。滿目戈船繫夕暉。東望淮徐河
水駛。北看鄒嶧嶺雲飛。舟人失路愁相語。客子離
群願更違。已見二毛侵薄髻。行歸急掩故林扉。

經淮陰侯釣臺

八日衝寒淮上過。今來曲渚長新荷。艸青夾岸湖

光迥。月映千家夜色多。地接秦郵思縱酒。舟移楚
甸動聞歌。釣臺不少登臨客。空復流年嘆逝波。

秋日雜感

南雲萬里接中華。此日滇池泛漢槎。戍滿夜郎春
舞燾。馬騰天女城名晚吹笳。渡瀘羽扇搖三伏。下瀨
兵符按五花。周禮職方傳露版。行銷金甲事燒翁。

又

蜀徼西南未解兵。羽書旁午夜聞鉦。方愁夔子沉
魚復。豈意蓬婆欵錦城。赤甲山前初奏凱。青羗帳

下白通名當知劍閣非難據乘傳相如檄草成

渭揚曰兩詩結語俱舍規諷不徒雄而勝人

栢鄉魏石生先生遺書見訊奉答

中朝方重栢鄉名共說霜威憲府清領袖烏臺諸
御史提携蓬戶一書生潮平淮海孤帆影楓落吳
江萬里情天末音徽勞夢想遙期間字到春明

送廣陵王椒却令岐山

岐陽驛路草芊芊叱馭王尊去獨先濤湧淮南思
楚甸花明渭北見秦川琴聲漸遠衰斜谷鳥影遙

臨柱曲天西望岳蓮雲樹迥度關朝躍鐵連錢

送范祖生司李南康

佐郡山城攬轡遊送君明月滿盧溝風吹燕麥行
人遠路遶鶯花旅客愁此日蘭亭名籍甚當年栗
里事堪求檄書來往應相憶彭蠡清翻雁影秋

送蔡蓮西戶部出守太原

初辭漢署度支章出守名高古晉陽句注青山遙
入画徐溝綠樹鬱成行一麾曉度羊腸坂五馬春
含鷄舌香蚤晚并州得賢牧何人不羨蔡中郎

鳴遷兄歸自河西為贈

桂嶺淹留復向秦。賦歸寧負舊綸巾。攜樽入座青山在。幙被還家白髮新。三徑未荒元亮菊。九秋堪問季鷹尊。剡溪一曲何勞賜。自有高蹤狎隱淪。

再集廣陵許力臣師六齋限韻

十月寒花澹客愁。相逢津市脫征裘。重游不惜青

萍贈。盡醉何辭綠蟻浮。感遇蓬科隋苑夕。定交杵

臼廣秋可憐。明日河橋別時香島卜臣李郭牙

檣又元州

九日觀妓用唐人五日韻

井梧風動拂窓紗。陌上湘裙裊露華。不分登高還
載酒。更因乘興遠看花。人如白下逢桃葉。曲擬長
安有狹斜。笑把萸房傳翫畢。一枝分插向誰家。

掌公曰姿制姚
佚在離合之間

徐黃嗣 字聞始

花朝對雨

園林花發畏春寒。宿雨佳辰殊未闌。啼鳥無心棲
碧樹。遊絲何計傍雕欄。愁來闌寂憑誰遣。興盡芳

非總倦看那得晴光連紫陌。條風拂拂共盤桓。

越石曰聞始久客越中無從得見近業令人深吉光之嘆

孫 鑣 字長清

重九後三日谿默讌集得青字

短棹遲遲傍淺汀。黃花滿院落疎星。日斜檻外群峰紫。雨過山頭萬樹青。公子開樽傾北海。故人載酒到玄亭。只今又過茱萸節。一帶晴波動白萍。

梓賓曰長清詩集甚富適往維揚未及登選偶窺半豹已見全材

周宏濬 五見

贈蕭將軍

長淮千里舊干城。幾載中原望旆旌。舞伎盡驅霜劍在。戰場猶昔野花明。雕弓曉落雲中雁。金彈春拋柳外鶯。聞說邊庭方卧鼓。待君麟閣署威名。

交讓曰音節清亮

梁皇城

離宮杳杳野雲浮。廢址淒涼暮雨秋。杜宇已知巫峽恨。烏號寧獨鼎湖愁。金鋪綺井埋幽草。碧蘚殘碑沒故丘。惆悵夕陽樵牧地。只今無復翠華遊。

燭崑日憑
弔獨華

送宮人入道

纔服黃冠換舞裳。朦朧何處辨昭陽。朝迎神女聞
瑤珮。夕向元君受玉章。顏駐不緣雲母液。丹成無
藉鬱金香。林間鸚鵡曾相識。猶說當年侍上皇。

粉牡丹

倩女臨風出素幃。暗香時送影霏微。水晶簾捲迎
春月。雲母屏空倚夕暉。未許鶉啼輕染茜。堪容蝶
粉薄沾衣。洛陽亭榭原稀見。肯逐楊花到處飛。

李鄂 五見

念昔

太白芒高北斗殘。臨風寄慨酒初闌。玉樓不復珠
留夜。金屋空傳犀辟寒。縱有烏衣尋故巷。豈勝翠
袖泣雕闌。昔年車馬歡遊處。何日忘歌行路難。

懷穉賓都中

孤鴻千里薊門前。憔悴京華自可憐。吳地春來飛
尺鯉。燕山花落聽啼鶉。四愁欲擬瓊瑤賦。九辨空
傳橘柚篇。莫道市中堪擊筑。故鄉舒嘯有冰絃。

掌公曰

婉切

計善六見

燭崑曰廉伯七
言律情摯法老

贈項生

朱門十世漢金吾。意氣相看海內無。夜月笙歌連
戚畹。春風羅綺散皇都。歸來猶佩千金劍。到處能
麾八陣圖。諸將行中最年少。翩翩醉舞錦氍毹。

岳王墓

棲霞嶺畔古祠壇。蕭颯英靈淚眼看。蘋藻不追南

渡恨。楸梧空倚北風寒。黃龍萬里壺觴寂。碧血千
年鼓角殘。惟有西陵橋下水。自成嗚咽向臨安。

亭彥曰可
方庭實

贈莫生

少年裘馬醉筵筵。劍術詩名動列侯。秋草平原違
短夢。暮雲江上起新愁。黃金一任親知盡。白眼還
將意氣留。悵望故園歸未得。灞陵蹤跡隱韓休。

沈生喪偶因有感懷

已是飄零寄一枝。獻書無路鬢空絲。誰令寒士長

柳洲詩集 卷八
愁日又值秋娘永訣時。秦閣鳳簫悲獨往。楚臺神
雨夢相思。何能更憶朱門裡。絃管沉沉舞袖遲。

題菊

自憐霜節寄蹉跎。不向春風照綺羅。栗里醉來山
氣夕。洞庭愁去水曾波。清芬歷歷傳高士。寒影垂
垂對素娥。一自白衣成遑事。空餘山徑獨悲歌。

越石曰

澹雋

馮運隆

二見

燕山寒食

愁見鶯花媚遠天。燕臺春色總堪憐。千岳曙雪西
山盡。萬雉晴雲北闕懸。野曠龍蛇傳禁火。堤垂楊
柳散輕烟。東風二月昌平道。細草萋萋又一年。

卜臣曰情

致淒切

馮明升

字俊民

微山湖曉發

烟蕪不斷曙光寒。宿鳥凌晨起別灘。千頃碧波通
估舶。幾家身榜掛漁竿。徵兵遠郡防邊急。作客經
時避地難。賴得長年諳舊路。頻將風色浪頭看。

禹書曰
清遙

李煒 六見

子更曰赤茂七言律奇氣自矜往往軼塵
獨上而體度安閑卽有橫溢無傷大雅
卜臣曰吾黨稱詩率宗婉秀當其流失便
至柔靡赤茂獨以清剛之氣運富溢之才
同人擬之獻吉赤茂
心亦自許固不謬也

送亭彥北上

意氣相憐迥不羣。十年高臥老河汾。何人不掃蓬
蒿徑。有客先傳枯樹文。興發驪駒燕市月。愁飛黃
鵠大江雲。金門自古堪依隱。莫使平津得御君。

交讓曰第六
句調高景逸

送友人遊越

江城春色重離群。折柳湖干別思慙。尚有黃金寫
少伯。誰從車馬御張君。青烟渺渺依原樹。紫氣離
離見海雲。迴首可憐薪膽地。猿聲偏向客中聞。

題沈淵伯畏築

陶潛卜宅居南村。龐德歸來隱漢濱。一雙白雀喚
清晝。無數桃花落晚春。往往悲吟且泣下。時時谷
汲行負薪。畏築兩間大如斗。鄴臺梁館空嶙峋。

穉賓曰神似少陵

寄懷默菴兼詢聖嘆

海○內○傳○經○金○若○采○千○秋○狂○士○沈○苓○山○每○傾○玄○辨○心○
幾○折○別○有○深○情○涕○欲○潛○虎○豹○闖○昏○風○雨○黑○蛟○龍○蟄○
起○瘴○雲○殷○何○當○攜○手○濠○梁○上○贈○以○雙○珠○明○月○環○

寄上舅氏吳民部督餉漢中

咸○東○連○棧○插○天○橫○特○簡○持○籌○護○上○京○轉○餉○鄴○戾○推○
第○一○留○屯○蜀○相○本○威○名○蓮○花○晴○雪○明○壺○帙○玉○女○春○
雲○轉○旆○旌○欲○贈○瓊○瑰○愁○羽○翻○渭○陽○今○古○一○含○情○

送燭崑弟游栝蒼

栝○蒼○山○水○冠○東○甌○客○子○翩翩○賦○遠○遊○去○日○新○萸○抽○
別○浦○到○時○春○草○徧○芳○洲○桃○花○洞○裏○雲○爲○幔○白○馬○山○
頭○石○作○樓○羨○爾○探○竒○多○絕○勝○風○塵○還○傍○少○微○留○

讀沈上子維揚詩賦贈

休○文○懷○古○興○悠○哉○賦○到○蕪○城○正○可○哀○不○信○玉○鈎○虛○
錦○瑟○空○憐○廢○苑○有○瓊○臺○烏○啼○夜○雨○烟○花○寂○燒○接○寒○
雲○橘○柚○開○若○到○萇○弘○埋○血○處○應○知○痛○哭○引○車○迴○

送人還江右

落葉河梁急暮笳。清尊明日又天涯。十年下伍尋
黃石。千載雲臺得仲華。淺瀨菰蒲呼雁鷺。大江風
雨護龍蛇。離筵莫更增惆悵。湘澧夫君未有家。

子存日名

警不夸

過孫山人舊居

少微芒掩客星愁。慶緒高風不可留。虛擬黃金成
大藥。還隨玄雀到珠丘。草荒丹竈埋寒燄。花滿空
庭落素秋。蕭瑟芙蓉堤畔月。憶君豪飲興難酬。

題錢爾斐洗耳堂

別開池館背城闔。何減巢由潁水濱。晝永琴樽閒
自適。春深車馬僻難親。泠泠竹裏清歌度。謾謾松
間野服新。倘許雲霞同結契。不妨元亮共南鄰。

過陳澹仙先生舊居

猶向春風此地過。九原不作竟如何。香銷玉砌苔
芽長。雨積荒苔蛙黽多。無復梅花開碧嶂。空令野
客嘆蒼波。當年絲管東山日。酒滿樽中幾度歌。

郊遊觀梅

淡雲疎雨逐輕舸。結侶春遊引濁醪。芳艸幾迴緣

曲。逕。寒。香。千。樹。隱。蓬。蒿。朱。簾。晝。永。東。風。細。黃。鳥。歌。
殘。明。月。高。為。愛。暝。烟。遲。蠟。展。歸。來。飛。雪。滿。青。袍。

贈李笠翁笠翁善度曲載麗姬客遊吳越間
渡江桃葉麗人行白舫青簾画鷁輕幸舍本非彈
鈇客博場猶是抱關生曲中春雪幽蘭儷匣裏朱
絲三峽鳴他日期君五湖側龍威林屋聽瑤笙

周 瓚 三見

送姜真源侍御之維揚

繡衣霄漢躍花驄此日南巡攬轡雄執簡霜飛封

事。裏。觀。濤。雪。映。璽。書。中。籌。邊。獨。振。西。臺。策。按。部。還。
清。列。郡。風。行。矣。帝。庭。推。伯。約。度。支。頻。紀。海。王。功。

題蔡中丞重修滕王閣圖後

滕王高閣俯江湄為憶中丞擁節時瀑水千重懸
戶牖明霞萬丈閃罨罍百花洲外漁歌遠五老峯
前雁影移攜屐總遲吟眺興披圖長起臥遊思

子更曰中丞雅慕叔子
來宣此作能殫其勝

計 能 四見

送呂新水省親永嘉

永嘉山色近何如。春日寧親客路迂。花滿江城寒
食雨。燈明水驛好溪魚。碧帆迴渚仙巖近。綵袖趨
庭講席餘。可有新詩過謝客。錦囊千里慰離居。

漢彬曰三
四恬雅

沈汝雄 三見

秋日語溪道中志感

征鴻初下束輕裝。銀漢秋高降曉霜。岐路驅車皆
劍閣。新知携手即河梁。風吹鐵笛吳闌斷。雨度金
笳越水長。多少蛾眉爭自媚。夜深歌舞獨平陽。

亭彥曰結
有遠旨

春興

南來禹跡會稽同。吳越烟花在眼中。地坼江湖盤
紫氣。天隨牛斗散薰風。芝房玉殿迷空碧。鳳笛龍
笙怨落紅。五馬自從來渡口。至今閭闔在江東。

呂 寓 六見

登東柄亭

孤亭高峙鹿城東。石壁嶙峋勢自雄。萬井烟生凌
縹緲。千岳翠合倚空濛。平臨粉堞清秋裡。俯挹澄

江返照中。杖底西風未。搖落微微仙。梵出花宮。

達夫日語
特雄邁

毛蕃 六見

子存日稱賓七言律舉體俊逸秀出
天然其原出于劉隨州而筆力較健
赤茂日稱賓七言律有
悲涼之致高邁不羈
古隍日稱賓七言律雖本中唐
而氣宇蒼秀不失高岑風格

古意

高閣憑空敞。四阿妝成少婦斂。雙蛾梧桐葉落金。風動苗苗花殘玉露多。飲馬未移青海戍。搗衣空

寄白溝河夜深刀尺縈愁思。明月徘徊照綺羅。

子更日絕
似雲卿

北征雜感

十年作賦未成名。一曲驪歌動客情。無奈三秋當
遠別。更憐千里事長征。雲飛暮嶺孤鴻度。雨過寒
山片月明。試問異同誰稱旨。漢庭新重魯諸生。

其二

天風慄慄渡黃河。有客鳴榔發棹歌。古岸沙淡春
浪迴。遠邨日落暮烟多。千檣燈火連銀漢。萬頃晴

允映碧莎。謾向梁園誇授簡。馬卿詞賦奈愁何。

濟寧道中懷里中諸子

昨歲上書終不報。那堪此去賦離群。菰蘆泝泆迎
秋雨。橘柚蒼黃靄暮雲。浙水燕山千里隔。濁河清
濟一帆分。南池舊是登臨地。悵望城隅日已曛。

越石日河濟一語寫景真至

長安元日

旭日初開瑞氣明。椒花柏酒重合情。山河舊事傳
遺老。綿蕞新儀憶兩生。宮柳乍舒春露薄。寒梅欲

放曉風輕。天涯歲歲逢搖落。誰向臨邛問長卿。

舟次南旺觀征南兵

傳聞鐵騎盡南征。籥築聲寒塞草平。天子新開甲
仗庫。將軍分給羽林兵。貔貅七萃乘秋下。荼火三
軍耀日明。猶有鑿門典禮在。元戎此日正橫行。

支武侯文侯索惠侯雙輓詩忽忽一載未得

為哀誄之章。今惠侯墓草宿矣。感念生平

淒然託筆

十載寒瓊困草玄。一官纔得瘴江邊。行看五穗將

柳洲詩集 卷八
成頌。豈料雙鳧竟不還。南浦愁雲凝舊徑。北邙清
露冷新阡。紅顏慟絕明珠碎。剩得孤兒更可憐。

輝六日慘
淡入情

清明感懷

芊芊芳草滿天涯。寒食平郊見落花。自笑終年同
燕雀。可憐萬古悼龍蛇。誰家曉控黃金勒。有女春
停油壁車。惆悵玄亭人寂寞。謾傳奇字與侯芭。

十方菴

朗公精舍枕林丘。古殿陰陰竹樹幽。一水滌洄寒

雨。度千峯。環抱碧烟浮。松杉日暮迷青嶂。禾黍秋
深滿綠疇。晝靜鐘聲來上界。啣花白鶴石壇遊。

秋懷

暮雨蕭條鎮遠河。材官十萬入狎柯。南中丞相懷
諸葛。闕下降王拜尉陀。玉案山頭馳駿馬。昆明池
上耀金戈。漢庭使者通西域。銅柱勳高奏凱歌。

又

桑乾極望暮雲橫。一夜嚴霜下鳳城。防海飛符諸
將肅。渡關画角逐臣驚。掖庭見說羈王甫。中貴何

从薦馬。卿莫道。五侯鯖。可羨。故鄉風物。憶尊羹。

交讓日。穉賓秋。典八首。俱堪
追。踪少陵。二律。更爲。蘊藉。

離情

綺。縞。飄。揚。照。落。暉。新。將。寶。釧。飾。珠。璣。四。阿。西。北。浮
雲。接。十。里。東。南。孔。雀。飛。神。女。只。傳。臺。上。會。夫。人。竟
向。帳。中。歸。蹇。修。迢。遞。津。梁。絕。帝。子。臨。河。玉。淚。揮。

又

巧。樣。宮。粧。彩。陸。離。新。傳。指。上。七。成。絲。鸚。鵡。刷。羽。芙
蓉。閣。燕。燕。凌。波。太。液。池。寶。鏡。自。來。憐。瘦。影。玉。人。未

許。妬。水。肌。誰。知。竹。葉。渾。無。用。盼。斷。羊。車。望。幸。遲。

亭。彥。曰。穉。賓。艷。體。用
事。稍。密。而。風。致。自。佳。

並蒂蓮

色。隨。靈。運。彩。毫。舒。艷。比。昌。宗。貌。不。如。連。藥。分。紅。開
苗。苗。一。莖。孤。綠。引。芙。蕖。飛。來。錦。水。雙。棲。鳥。戲。逐。湘
江。比。目。魚。解。識。合。歡。無。限。恨。神。龍。渠。口。莫。躊。躕。

春草

翠。色。參。差。映。草。堂。尚。餘。三。徑。未。全。荒。咸。陽。原。上。條
風。蚤。銅。雀。臺。邊。暮。雨。涼。一。望。平。原。成。恨。別。九。秋。搖。

落怨瀟湘江南處處烟蕪綠清夢還應到謝郎

丁 倣 字大令

兗州境上卽事

奎婁星域古名區極目登臨物色殊赤日曉懸滄海上黃雲時夾岱宗趨蘭亭雅集宜三月桂楫相逢半五湖回首弦歌連鉅野子游文學本東吳

王之圻

卜臣曰肇域七言律筆力蒼勁不落中晚

登吳山望錢塘

吳越蒼蒼一望開霸圖千載氣佳哉遙山縹緲連天起萬堞參差繞樹來雲盡斗邊飛鳥斷潮迴江滄蟄龍哀携筇不厭登臨興更有胥峯頂上臺

感舊和韻

憶昔遺弓泪未闌故宮依舊五雲端風飄閭闔虹霓斷日落采愚鷺鷺寒籌暗銅壺遲玉漏露虛仙掌抗金盤兩都自古誇神麗佳氣從誰立馬看

又

九關形勝本屏翰白草茫茫萬雉殘肅慎東來迷

石楛燉煌西望斷。犏羴金人野祭沙。長暗羗笛花。
飛雪不寒。幾載秦王勞版築。空令紫氣抱長安。

送致言上人還雲門

飛錫暫尋三徑約。蕭蕭又計沃洲程。銅餅水滿胡
麻冷。葛屨雲生邛竹輕。潮上錢塘千里白。秋來禹
穴萬峯晴。還山倘到亭邊日。休聽蓮歌渡剡城。

徐之陵

三見

送康小范上若兩世執歸江右

霜滿高城夜漏稀。那堪臨水送將歸。天涯短褐逢

初霽。江上孤帆帶落暉。路近匡廬秋欲暮。舟廻彭
蠡鴈同飛。放歌且盡尊中酒。明發西風振客衣。

子存日愛
其神駿

二月二日大雪

江左春來旅鴈還。猶餘雨雪映柴關。不聞萃澤歌
黃竹。且擬梁園賦白鷗。地接平川冰萬頃。光寒絕
巘月千山。章臺柳絮因風起。爲問行人幾度攀。

夏

鱗 字子

聞鶯

黃鳥嬌啼碧樹林。映堦芳草自成陰。建章月曉千
聲度。茂苑花明百轉深。隔葉音來催淑氣。攜柑聽
處結遐心。還憐一入璇閨夢。路斷遼西不可尋。

燭崑日

輕倩

陸

淮

五見

贈陸季冲刺史鬱林

雲接蒼梧海氣和。塞帷刺史出關河。西浮潯野飛
鳶。浦北望衡陽。旅雁多勾漏。官閑能作賦。伏波谿
靜且高歌。漢廷不久需公紀。渡水還應載石過。

九日登高

縹緲孤城埤堦斜。登臨極望是天涯。開樽未得逢
陶令。高會何人繼孟嘉。柳帶寒烟浮遠渚。雁連夕
照下平沙。蕭條楚客多悲思。莫向江邊聽暮笳。

掌公日秀

致紛披

李

炳

六見

穉賓日燭崑七言律
娟秀絕倫特饒風致

過誠意伯祠

風雨摧殘故伯祠。野人翹首獨淒其。一時籌策推

王佐百代衣冠賴帝師。棖桷徒聞叢鳥雀。經綸猶是識龍螭。荒涼廟貌寒烟裡。憑弔蒼然起慕思。

沈行甫舅氏招同費孟起登峴山

荆南峴首悲。半帖苔上登臨亦。此山風景未因吳。楚異典懷同在亂離間。光浮碧浪群峯遠。日暗黃雲宿鳥還。賸有群公尋逸社。芒鞋藜杖一追攀。

州來曰起最突兀

寄懷沈繹堂朱儀聖

搖曳寒塘蘆荻洲。人憑眺一登樓。雲深木葉干

邨遠露落蒹葭萬里秋。綵筆西吳推沈約。華簪北闕重朱游。何時尊酒淹晨夕。重泛滄浪青翰舟。

嚴陽道中

何處登高望故鄉。客途千里思茫茫。天高遙嶺看飛雁。日落荒郊數牧羊。剩有香谿隨鷁遠。特留石壁撼波長。天涯處處風烟迥。醉坐籃輿祇自傷。

客中暮春

芳堤柳色近依人。放浪江湖逐暮春。旅况那堪花事盡。客途祇覺鳥聲頻。層巖片片流紅雨。曲渚涓

涓長綠蘋翹首故園消息遠。更看節物幾回新。
同淵伯西谿觀梅

共逐飛蓬賦遠遊。鳴榔此去狎輕鷗。平郊芳草先
春綠。隔浦寒香映月浮。因訪仙人來大庾。爲尋高
士隱滄洲。凌風臺畔年年碧。莫說窮途阮藉愁。

子更日季

迪至境

和施又王平波萬頃樓

柳畔波光花外樓。幽人憑眺晚悠悠。千林夏木棲
歸鳥。萬頃平沙點宿鷗。此日亭臺雲作幔。當年帷

張玉爲鈎。黃金歌舞俱銷歇。賴有崔題在上頭。

詠竹

瑯玕千畝碧雲封。翠色離離幾萬重。結實丹山常
飼鳳。垂枝葛水自爲龍。含風林下思中散。奏笛亭
皋憶蔡邕。貞性獨存誰作伴。歲寒謾謾五陵松。

飲江心寺

橫江孤嶼帶長虹。載酒來遊憶謝公。縹緲尊前千
嶂雨。蒼涼樹底萬山風。中流俯瞰鼉鼉窟。雙塔高
懸日月宮。醉裡渾忘歸棹遠。暮濤如雪海門東。

卜臣日格
調宏駿

送莆中林衡者

與君異地却同岑。塵尾初攜到竹林。瘴嶺北來千里道。海天南望隔年心。嵇公命駕情偏切。謝客尋山興自深。九鯉仙源休獨違。相期他日解塵襟。

贈白漢上人

白公將遊海上。弔楊季平。因述南山風景。予為神往。賦此贈之。

南峯巖薛迥人寰。積翠層巒不可攀。因見曇摩來泛海。遂令靈運欲尋山。黃墟有恨堪揮淚。白社逢人且破顏。一自遠公携杖錫。九溪流水日潺湲。

禹書日超
脫絕塵

送交讓之姑蘇

征帆一片夕陽前。送別臨風倍黯然。縹緲峯邊秋色斷。闔閭城外暮雲連。蕭蕭古渡悲荒草。寂寂平皋蕩野烟。市上若逢梅福侶。同移玉趾問寒泉。

送亭彥之燕京

萬里京華此壯遊。燕臺佳氣望中收。董生經術傳三策。第五高名比列侯。折柳朝辭鴛水岸。看花春醉曲江頭。懸知宣室憐才甚。珍重明珠莫暗投。

詠燕

旅燕春歸故國中。身衣回首夕陽空。啣泥乍拂桃花水。弄羽長隨楊柳風。處處玉樓新越社。年年芳草舊吳宮。絕憐青鳥無消息。目斷蓬瀛路未通。

越石曰已

無凡境

魏允栴

六見

亭彥曰交讓七言律

其源出于高達夫

稭賓曰交讓七言律雄渾不如赤茂警秀不如禹書而意到筆隨情景俱洽洵是能手

贈江陰李膺公

輝六日七言近體警句易求
銖兩難稱交讓獨有專詣

一自滄桑感廢興。寂寥三徑絕賓朋。深慚設榻迎徐穉。猶喜登舟共李膺。申浦千帆春雨暗。長江一帶暮烟凝。昔年折柳秦淮渡。芳草依然滿秣陵。

送吳興公之燕

才名季重本翩翩。萬里辭家到朔邊。馬首風烟連大漠。城頭埃火接遙天。愁中漫擬飛龍引。醉後長歌碣石篇。連幕如君真國士。看從車騎勒燕然。

贈余澹心

佳麗江南異昔時。馬卿車騎暫棲遲。丈人安坐誇
三艷。客子窮途賦五噫。到處池亭非舊主。何當縞
紵問新知。天涯行路難如此。故國春風且下帷。

亭彦日澹心久客雲間囊橐盡纏頭之費嘗作乞米帖此詩頗寓規諷婉而多風

與亭彦子閑飲壚頭戲贈

挾彈東風趁曉鶯。紅妝玉袖坐相迎。春從短簿祠
邊度。月向真娘墓畔明。自是黃姑逢織女。可知名
士悅傾城。異時金屋葳蕤冷。回首橫塘空復情。

東戾研德

春風結客向吳關。把袂紅亭別淚殷。海嶠不傳青
鳥信。嶠城遙望白雲間。已將名姓畱南國。莫使移
文到北山。五世相韓惟汝在。可能千載一追攀。

掌公曰真切得風人之義

五月廿八日讌集

宛轉清歌送夕暉。飛觴玄夜憶忘歸。銀虬聲斷月
初上。蠟鳳光沉露未晞。池畔新荷迎白恰。階前芳
樹映烏衣。蘭亭少長能詞賦。莫嘆朱絃和者希。

寄懷肇城粵東

憐君留滯五羊城。何事炎方萬里行。負羽漫隨新
刺史。曳裾猶是老諸生。經年作客逢秋半。此夜懷
人共月明。尺素迢迢鴻不度。金笳玉笛重合情。

東赤茂

時余客
暨陽

蕭颯西風短髯斜。吳山越水各天涯。高吟坐對千
峯月。染翰文成五色霞。作客余慙閔仲叔。論交君
是魯朱家。十年中夜聞雞舞。潦倒清尊閱歲華。

懷篆鴻

昔年詩酒共晨昏。握手論交勝弟昆。風雅共推吾
黨事。名流今見幾人存。更生閣上青藜曉。謝眺階
前紅藥翻。計日便移江上棹。月明相對一開尊。

燭崑曰。雖非盛唐風格。而意境清切。殊合體裁。

訪朱子葆不值留贈

乘興扁舟到水濱。幽居面面絕塵氛。通名未必驚
皇甫。問字何由見子雲。苦竹蕭疎人獨遠。白蘋騁
望我。思君柴車日晚無歸意。自有深山麋鹿群。

行經姑蘇

柳洲詩集 卷八
駐馬郊原賦黍離。荒臺蔓草不勝悲。菱荷香渚逢
秋○落○橘○柚○西○風○向○晚○吹○。毳帳狼烟生古道。篝燈狐
火聚叢祠。三千寶劍沉埋處。夜夜寒光動水湄。

送致言上人還雲門

振○錫○千○山○木○葉○輕○。遙○瞻○鷲○嶺○白○雲○平○。三○車○妙○果○林○
中○演○。一○路○曇○花○杖○底○生○。落○月○曉○懸○秦○望○樹○。涼○颼○秋○
滿○越○王○城○。應○知○別○後○思○玄○度○。好○聽○江○頭○鴻○雁○聲○。

九日社集蔣沈二子至自禾中卽席賦贈

登樓一望雨霏微。九日清尊興不違。上客能裁鸚

鵝賦。故人無恙薜蘿衣。雲生海嶠魚龍動。木落江
臯鴻雁飛。流水高山如在眼。謾將玉軫醉中揮。

贈友人納姬別業

十五盈盈倚曉風。碧桃淡處綺爲籠。銀屏日暖迷
金鴨。甲帳春寒隱綠熊。小婦還如中嬾艷。新人可
比故人工。行雲行雨渾無定。只在巫山巫峽中。

禹書曰交讓不喜作艷
體此詩工麗可茲西崑

郁 褒 三見

遙和同人讌集詩

初筵晝敞度嬌歌。投分同傾金叵羅。隔坐青娥能
 雪藕。隣家紈扇數籠鵞。燭崑善書法 涼生水檻驚鷓鴣。
 夕擁冰輪映薜蘿。獨有倦遊江上客。鄴中高會每
 蹉跎。

穉賓曰結更綿麗

李 燿 五見

交讓曰閻尚七言律淺深合律自是唐人風格

過嚴陵作

無邊秋色上青楓。返炤亭亭一望同。紫蓋雲連寒

渚。濶羅浮木落暮山空。淡林遠火明江上。隔岸輕
 帆出樹中。七里濤聲天半迴。鄉心遙寄富春東。

子更曰疎密稱情

十四夜社集景素堂

梁園詞賦重鄒枚。上客新从兔苑來。白苧聲傳三
 婦艷。紅粧舞就七盤開。詩歌月滿南樓興。絲竹風
 生北海杯。為報流光今夜好。城頭曉柝莫相催。

古意

露白風高木葉催。故園叢菊傍誰開。金閨日斷流

雲○去○玉○帳○心○隨○曉○月○來○塞○北○孤○鴻○傳○信○杳○天○南○雙
杵○搗○衣○哀○遙○聞○烽○火○甘○泉○接○夜○夜○思○君○夢○未○回○

送友之金華

依○微○山○色○暮○霞○侵○客○子○離○家○起○越○吟○霜○重○千○林○催
晚○葉○風○高○萬○戶○搗○寒○砧○雙○溪○驛○口○歸○帆○急○八○詠○樓
前○夕○照○淡○且○飲○故○人○桑○落○酒○明○朝○輕○舸○下○江○潯○

舟泊富陽

千○里○奔○濤○擁○日○迴○紅○霞○綠○樹○望○中○開○女○牆○背○嶺○叅
差○出○野○船○臨○江○曉○暮○來○題○柱○漫○悲○司○馬○遇○登○樓○應

惜○仲○宣○才○離○亭○濁○酒○渾○難○醉○画○角○風○生○動○客○哀○

將渡錢塘兵阻江口

秋○水○寒○沙○雁○幾○行○金○風○蕭○瑟○露○為○霜○軍○中○勒○騎○陳
魚○麗○麾○下○橫○戈○建○烏○章○石○壁○殘○霞○連○樹○迥○清○溪○落
日○帶○潮○黃○側○身○西○望○重○回○首○越○嶠○千○峯○隔○岸○長○

越石曰
開美

顧瑛美 五見

穉賓曰輝六七言律神氣卓犖
鍾鍊精工蒼勁之中更饒風韻

金陵懷古

孫郎部曲壽春還。此日君臣盡少年。江口空聞烏
鵲賦。潯陽更進白衣船。千秋虎踞青山上。一夜龍
驤錦水前。獨有城頭河漢影。尚依明月照吳天。

其二

秦淮原接大江流。綺閣還臨白鷺洲。五馬旌旗曾
北渡。八公草木護南州。夜寒玉漏嚴城雨。月滿銅
駝故國秋。江左繁華零落盡。幾時王謝更重遊。

其三

佳氣消殘赤帝宮。曙鴉聲動曉雲空。落梅紫禁嬌
春日。曲讌華林倚晚風。幕府秋深停戰馬。關山雪
後見飛鴻。可憐青史留袁粲。一望楸梧斷碣中。

其四

松檜千巖舊冶城。六龍不向苑中行。空思銀漢針
樓上。無復金蓮画屨生。春草烏衣迷社燕。曉鐘玉
殿憶流鶯。臨風欲詠玄暉句。如練澄江宿霧平。

其五

濤聲日夜白門連。千里金甌夕照邊。鼓吹已殘青
嶂月。鶯花不散大江烟。萋萋石闕空垂柳。隱隱臺

城只暮蟬欲問昭明歌詠處萬峯蒼翠落寒泉

其六

彷彿鐘聲出景陽微風吹度滿橫塘花飛三閣蓬
萊近曲奏千門星漢長一自翠華沉碧草遂令玉
樹帶寒霜秣陵城下春歸燕猶上江潮過女牆

徵之日弔古悲涼不乏婉麗劉許不得望其後塵

江行雜詠同渭揚賦

春日揚舲碧浪浮殷殷笳鼓散芳洲美人不見長
干暮仙客誰來姑熟遊亞父城頭吹鬢栗昭明臺

下浴鳧鷗故人欲問江湖信漫憶當年李郭舟

其二

西望澄江盡翠微旅人晴日試春衣紫雲朝擁扶
桑樹白浪遙飛采石磯六代河山留錦纜千秋闕
塞落斜暉扁舟一繫江干上醉看三春燕子歸

皖城夜雨懷同社諸子

暫停征蓋馬頻嘶皖口重聞烏夜啼苦憶鶯花南
國晚可憐風雨大江西笛中春盡催楊柳城上烟
寒散鼓鼙猶記芳樽當此夕沉沉玉漏曉雲低

卜臣曰蒼深沉
着是其本色

皖口旅次同渭揚懷其兩弟越石肅陶在廣陵

浪遊同日去江東。康樂西來夢未通。皖國潮連秋浦白。廣陵花照錦帆紅。那堪擊楫荒城下。却憶吹簫夜月中。兄弟翩翩河海氣。莫將詩句擲春風。

望大龍山

風景依依崑岫間。江城襟帶對潺湲。流雲曉掛天中樹。飛瀑寒生雪滿山。似有烟霞藏大地。欲盤吳

楚抱重關。空思絕壁多芳草。翠色霏微不可攀。

送越石之括蒼

浙江西指片帆通。又上嚴陵倚碧空。卧閣應知春草綠。仙都已近少微東。晝迷虎跡雙峯雨。夜送猿啼萬壑風。知爾登樓能作賦。高吟白雪滿甌中。

古意

萬里關河雁影斜。盈盈樓上隔窓紗。霜飛幕北雕戈塞。月滿城南織錦家。少嬾鴛鴦調玉柱。征夫尺素怨金笳。三春猶記攀楊柳。白草茫茫不見花。

掌公曰不涉靡曼

曹鑑徵六見

卜臣曰徵之七言律聲情諧合景調流美

送卜臣之桐廬兼訊子存舅氏山陰

嚴陵雲樹鬱嗟峨。此日扁舟載酒過。七里濤迴秋雁度。千岩月落夜猿多。攜筇應訪桐君錄。鼓柁還聽越女歌。爲語山陰乘興客。到門安道近如何。

吳門舟次送禹書之江都

金閶亭畔送仙槎。西去雲山望轉賒。爲客幾攀吳苑柳。開樽應對廣陵花。帆懸胥浦濤聲壯。人到雷塘雁影斜。別後相思共明月。春風回首各天涯。

席上送吳子歸西陵

嚴城鼓角動星河。高館張燈對酒歌。旅夜漏聲催欲盡。故鄉春色夢偏多。花殘石甌迷青靄。潮湧錢塘起白波。此去西泠暫分手。早開三徑待君過。

燭崑曰與李頎送魏萬作未分伯仲

贈別松陵夏子夏曾執經于先舅氏子一庶

常

樽前借別漫淹留。明日江風送客舟。笠澤花飛歸雁杳。春城月落曉鶯流。舊遊寂寞當年恨。往事淒涼異代愁。君是謝公門下士。還同醉後哭西州。

旅次送掌公弟之毘陵余將歸里門

翩翩黃鳥度江湄。江上春風送客悲。二月烟花空悵望。孤舟寒雨益淒其。看碑應拂延陵墓。弔古還登泰伯祠。越水吳關愁更遠。鶴鴒兩地各相思。

寄懷子更兼致穉賓鳴大

送君南浦露初晞。回首河梁一葉飛。惜別那堪岐

路隔。相思無奈信音稀。間闌客夢聞征雁。愁絕羈心正搗衣。今夜桑乾河上月。清光偏照兩鄉違。

交讓日起
最曠佚

登秦望山絕頂

千尋蘿徑盤空上。絕頂孤松倚翠屏。瀑水倒懸三面碧。亂峯高插四圍青。風雲晝起秦皇石。鷄犬宵連越望亭。憶昔六龍巡幸處。至今烟樹自冥冥。

丁胤塗

四見

越石曰茲勉七
言律情文綿麗

送陸處士還山

桃花初盡柳陰濃。君去吳山第幾重。春社亦分隣
父席。晨參常聽寺僧鐘。胥臺芳草看遊鹿。震澤洪
濤起卧龍。總為高懷厭塵世。故留青眼對雲峯。

送錢秋水赴瓊海令

萬里珠崖度玉珂。沉香林底素琴和。庭前鐵樹迎
冠起。海上瓊枝拂綬過。椰子杯淡尋醉少。桄榔葉
正作書多。休言銅柱功名遠。北望龍門笑伏波。

子更日物
色精確

西湖秋汎

蒼茫極目思無窮。畫舸迢迢漾碧空。故堞有笳當
落日。斷橋無樹動秋風。一群沙鷺湖光裡。數點寒
鴉夕照中。明月漸高烟市合。白蘋洲冷暮雲封。

寄呂廣文永嘉

蜃江花月正離離。載酒玄亭有問奇。仙吏但尋春
草夢。名山惟寄白雲詩。常來趨鯉彈琴暇。無意銜
鱸講學時。聞道永嘉柑最美。好携溪樹聽黃鸝。

周 珽 四見

九日登郡城浮圖

烟蕪平野帶晴光。攜客登臨到上方。天目諸流如練白。由拳宿霧入秋蒼。高低秔稻棲田畔。少長茱萸插路旁。同學勝遊情不淺。片帆東下促飛觴。

子更日三

四明曠

東張洮侯

五茸城外九峯連。三泖潮迴浪接天。驛信遠緘歸雁後。春愁不斷晚山前。未因鸚鵡瞻仁祖。早已鷓鴣識茂先。綺紵十年湖海濶。龍門悵望白雲邊。

周振璜

四見

京口阻風

蒼蒼遠色接天浮。極浦蒹葭伴客舟。萬樹殘陽橫北固。片雲含雨入西洲。欲傾竹葉消鄉夢。獨聽梅花倚酒樓。咫尺金焦誰問渡。孤踪日暮對輕鷗。

旅懷

江南千里暮雲凝。王粲樓中未忍登。兩漢衣冠餘劍閣。六朝歌舞散金陵。舊山松柏常呼雨。新水魚龍欲負冰。猶憶子山曾作賦。橫塘茂苑總難憑。

燭崑日壯
涼有氣

徐時來
三見

鴛鴦

橫塘春水散晴烟。翠羽雙飛綠岸邊。知是別離添
舊恨。故教名字動人憐。花生蹙水乘風舉。影顧臨
涯傍日還。戢翼和鳴還自得。休將玄雀羨青田。

蔣昌基

後學周平世全校

魏之璨

